



TIPPEN Color Control Patches

© The Tiffen Company, 2007



12136
754
35



明詩紀事

辛籤

徐枋 六首

枋字昭法吳人少詹事汧子崇禎壬午舉人有居易堂集二十卷


貴陽陳

田輯



無

葉燮已畦集侯齋先生以名貴公子才名甚盛早歲
掇科名處之閭然絕驕矜去鄙吝鼎革時考文靖公
死使爾有生誓從死文靖曰我死君不可死也爾死
親之手揮死生去將為親死則子孫遞死無類有是
乎山中勤苦非力不遂存而志等於死生平戚友俱
絕操勤苦非力不遂存而志等於死生平戚友俱
寒疾十年不瘥兒年十二歲而得食病不得藥以死
先生歎曰人情孰不愛兒女喪行以殉兒女不敢以
彼易此川湖大帥蔡聞先生名不敢以金餽致以名



藥值千金因馮生羽以道意謝不受巡撫陽湯公
重先生屏徒從微服至門則先生已避之秦餘山湯
公喟然曰賢者不可測如是徘徊久之而去時事
筆墨以餬口善屬文書畫尤稱絕有購得片紙者以
為寶例不書款年七十三卒先生一生以視碌碌降且
辱者其相去何如矣
王峻良齋集侯齋遜跡不出初居鄧尉山中後隱靈
巖之上沙土舍數椽讀書其中布衣草履終身不入
城市常賣書自給雖藜藿不繼而莫能強以一錢之
餽時以侯齋山水宗董巨間法倪黃當其得意自謂前
無古人
田按侯齋高節全謝山謂以湯文正之賢欲致一絲
一粟且不可得惟南嶽大師儲公獨飲之食之其死
也戴南枝賣字吳門以葬之可稱千古韻事余見侯
齋澗上草堂圖墨筆山水草屋數間後有遺像附遺
囑一紙云一寡媳孤孫不可移居蕩口山居不便入
城可也一身後一應家事無論巨細俱要仰重楊
先生經理悉聽主裁自然盡善吾生平知之深而信
之篤謂在我可託孤命者兩人一為易亭一為次
畊今次畊在遠不及面囑然小孫將來自叨卯翼奚

侯面囑哉至拙集遺文前已與次畊面言不必更贅
矣書畢灑然甲戌年九月二十日已刻秦餘山人侯
齋遺囑付寡媳華氏收執臨危之筆考易亭名无咎
維斗先生子草堂圖前後二十餘頁有王蘭泉潘三
松伊墨卿阮雲臺孫淵如梁山舟洪北江袁子才諸
人題跋此冊於光緒丁酉入厥肆為一豪家購去庚
子之亂豪家遭兵火想已同為灰燼余錄侯齋詩附
詳其事於此

懷人詩九首 錄三

靈巖和尚與余敦人外之契有年矣余嘗柬一友云

靈巖為海內所宗仰諸方耆宿謂此唐宋以來諸大

善知識中之所少也至其篤好人物別具至心望之

如渴視之如傷余則以為此唐宋以來諸大善知識

中之所絕無也

靈峰絕天表孤雲傍琴臺傳燈曉長夜法界森昭回當茲象

教晦一出溟濛開慈心接羣品物色來塵埃野人荷深鑿于
載同襟懷視之猶如傷茫然令我哀仰首睇翠微幾時陟崔
魏但聞塔鈴語惻惻從風來

遠人遠遊之人也死生契濶數年不一面嘗夢見之
而不能一言若存若亡邈如隔世亦竟不能舉其名
字矣遂以遠人稱之可悲也已

嗚呼魯仲連屈強不帝秦區區蹈東海大意終能伸胡然天
帝醉金符被強羸眇焉匹夫節而與天帝爭十年遍天涯四
海誰情親一心貴有託豈敢輕死生故人在吠畝攬涕爲屏
營念子不成寐落月空照庭願言入我夢夢見遙吞聲

髯叟南明方夏氏也爲人長者重然諾亂後與余定

交周旋緩急時刻不爽嘗索余畫冊爲余代償斤金
焉

角里有髯叟幽棲稱隱君生平在然諾緩急嘗殷勤千金重
心期一言比蘭薰余年踰弱冠賓從常如雲結交多老蒼不
如髯超羣俯仰十六年所志高秋雲索余一豪素價抵雙南
金斯人未易期薄俗徒紛紜

戊申春二月送筇在道兄越遊

二首

瓢笠容君老江山未定居行吟過越嶠作賦愛吾廬

節在爲
余作濶

上草堂賦
故及之澗上鶯花寂天涯雁侶疏君行吾悵望且復寄雙

魚

花雨淹遊屐樵風送客舟江山猶故國耆舊盡荒邱一往滄

洲遠千春杜宇愁此行非避地乘興獨相求

重過洽平寺次先中丞公韻

一葉蒼茫泛五湖登臨勝境屬浮圖青山白社人空老古寺
閒房興不孤極目林巒隨杖屐會心煙水映菰蒲千秋手澤
重瞻對丈室居然冠我吳

金洪 沈壽民 四首

壽民字眉生宣城人縣學生舉賢良方正有利菴詩

稿

黃宗義南雪文定有明之輔臣以奪情見劾者三人
日李賢張居正楊嗣昌然劾賢之羅一峯劾居正三人
趙吳艾沈鄒皆有祿位於朝唯劾嗣昌之沈耕巖則
諸生也賢與居正皆天下無事之日所矢不過一身
嗣昌當危急存亡之秋所關乃在社稷耕巖之言拯
溺救焚懸記後來不爽累黍又非一峯諸公所言僅

在一時者也
靜志居詩話崇禎丙子詔舉賢良方正巡撫應天都
御史張公國維以宣城沈徵君壽民應詔入都適
宣大總督楊嗣昌喪起復業一年矣君命莫可委即
躬歷戎行滅寇朝食奈何安坐司馬之堂支吾朝夕
以一十二萬方張以師二日十餘萬或解體因循
不及鋒而用鼓行以前使餉日以虧師或解體因循
釀禍嗣昌斯時雖屈首服既不能躬履行問曲徇
之獄竟何益哉又疏云嗣昌既不能躬履行問曲徇
熊文燦之說兩局專欲主撫奉天子之聲靈以邀賊
一紙之認帖即無甚禍蔓延七省肆毒十餘年矣屠
況其慘痛也流寇之禍蔓延七省肆毒十餘年矣屠
戮之慘痛也流寇之禍蔓延七省肆毒十餘年矣屠
子嘯弗痛萬心嗣昌統一乃悖逆滔天擅驚陵凡為臣
百八極勢窮而與不充整旅以師不為不武摧而
賊昭極勢窮而與不充整旅以師不為不武摧而
後昭極勢窮而與不充整旅以師不為不武摧而
翦而復事姑容招之不復強而後可成也今者漫無
功而復事姑容招之不復強而後可成也今者漫無
之民正恐湯賊無期主憂復遠寬三歲之限更累數年
使張紹先以其言危切借字數溢額沮勿封進徵君

三 卷 下 六

四

復隳括兩疏之綱領上之疏入留中不報乃投劾歸
漳海黃公道周歎曰此何等事在朝者不言而草野
言之真希元在朝一月而封事三十六上吾豈可遠
愧希元近慙沈子隨拜疏爭之由是臺諫則何公士
錢公增林公蘭友成公勇詞臣則劉公同升趙公士
春次第俱上南兵部尚書范公景文復率南九卿具
公疏思陵震怒削范公籍解成公赴訊餘俱鑄謫無
得免者諸公之延諍實徵君倡之阮大鍼既得志將
出緹騎逮徵君乃變姓名攜家匿金華山中久之還
故里終老不出學不私名攜家匿金華山中久之還
明語林徵君足跡不入城市垂四十年當事委曲納
交罕得見面有別駕迹共在僧刹潛躡及之退語
人曰今年晤沈耕岩前年荆黃山天都峯都忘人世
二者吾任甯國大快事亦生平大快事
田按明末吳中二張與江上二沈相配二張謂天如
受先二沈謂崑山耕岩不以名位相甲乙也入國
朝溧陽既相將待疏薦耕岩耑使寓書耕岩不開封
對使焚書溧陽意猶未已耕岩寄書曰龔勝謝枋得
其智非不若皋羽所南也而卒以隕厥軀者緣多此
物色故耳凡今之欲薦僕者直欲死僕者也深陽曰
先生所謂名可得而聞身不可得見者也耕岩詩有
云丈夫忍饑餓耿介死不學鷺雁鳴咽啾又云但全松

柏性霜雪亦深恩可以見其志矣其卒也黃黎洲銘
其墓曰吳門之卒即攻王氏之人西臺之哭即劾似
道之臣嗚呼耕岩千載同論

覽古二首

擔簦復何事 遊學邯鄲遊 一見賜雙璧 再見卿與侯 甯知萬
戶重不敵 魏齊頭 徒步走大梁 慷慨如有求 惜哉謀不成 義
至復何尤 虞卿雖著書 所傳非春秋
漢帝馳六區 舞陽亦附驥 欽彼鼓刀人 密識洞且異 豁達稱
沛公一朝見 小利忠言在 咸陽痛哭奏 忘事子房雖 籌策歛
手佐末議 孰以一夫勇 而有千里智

溪漲

霜雪不出地 風雷亦行天 如何一夜溪 生此聲與顏 幽幽太

古山閱奇須與問

桃源

聞說雲林去青溪幾樹紅人聲雞犬外古法衣裳中漢姓何年異秦威此路窮春桃不耐寂浪使野航通

巢鳴盛一首

鳴盛字端明嘉興人崇禎丙子舉人有永思草堂集

橋李詩繫鳴盛嘉興石佛里人為人和內嚴舉步不踰尺度舉於鄉益自刻勵敝衣草履如平時人重其名爭致之鳴盛皆謝去順治乙酉隨一蒼頭渡錢塘寓野寺中以觀時事見江東拒守失律遂乘漁舟由他道還家墓側構數椽閉戶不出鄰里罕見其面隔溪築一小閣屋外值短籬環栽橙橘百本親荷鋤種菜以自給妻錢氏篝燈紡績泊如也二三友人相造必具雞黍但不及人間一字其持論勉忠孝敦廉恥期於中庸而已

題匏杯

回也資瓢飲悠然見古風剖心香自發刮垢力須攻不識金

銀氣何知陶冶工尼邱疏水意樂亦在其中

靜志居詩話孝廉肥遯深林絕迹城市時羣盜四起鏐鐵銀鏤之器無得留者於是遠屋種匏小大凡十餘種長如鶴頸纖若蜂腰杯杓之外室中所需器皿莫非匏者遠邇爭做之橋李匏樽不經而走海內孝廉作長歌詠焉茲讀五言一律剖心刮垢蓋自喻也

李世熊十六首

世熊字元仲甯化人萬歷諸生入國朝祝髮號寒

知有寒支初集十卷二集四卷

魏禮季子集閩甯化泉上里有文行奇偉士日李君元仲為入負奇氣植大節更危險死生弗渝篤交友之義敢任難事其才力足相副生平喜讀異書雖千里必多方購借之年八十餘讀書至夜分始休六經

諸子百家之言靡不貫究而發諸其古今之文都盛
 名於海內者六十餘年當國變自號寒支道人徵書
 累下固謝卻之守令監司鎮將至其門者罕能一識
 面而隆武監國時用薦徵拜翰林博士君曰不可為
 也竟不就蓋君以大節定力自持而審機事故動靜
 不失其正也
 黎士弘託素齋集先生文奇偉懷麗長於推測情變
 層見疊出雖百家無不窺少獨好韓非屈原韓愈之
 書故其造就咸有根柢
 藍鼎元鹿洲集余聞先生少時嘗單車走泉州出安
 海濤觀鄭芝龍其意念深矣使先生早年得志矣未
 甲申間必有可觀者一腔熱血付之清冷之鄉悲夫
 文章如韓心事如屈志節之清高管幼安伯仲矣
 靜志居詩話元仲詩鑿錯見長澄瀟不足
 田按元仲詩妻婉如謝皋羽藻麗似杜牧之沈摯又
 似黃雙井陳後山去其薰染時習者元仲之真面出
 矣

淮陰侯

爭同橫死五百獨祠越頭一臣嗟爾淮陰三族徒聞跣犬狴

狴雉烹走狗母哺王孫生死恩讎兩婦人

和陶飲酒

避焚於水溪避溺於山隅此計未必然憂患實多途前為榮
 貴引後有貧賤驅所以達者心止足不願餘仲蔚今何歸吾
 欲從之居

鷓鴣行

鷓鴣眼最明羣行啄秋水得鮮滿腹不敢殮吐向漁人何徒
 徒官家今日戒私取爾若為吏當稱旨江流歲歲網如茶何
 處著汝雙眸子

冬舟

霜吹徐徐來沿舟入蘋蓼好山迢遞青一鏡照飛鳥白鳥差

池穿野菱天寒水落陰棱棱澹雲到地無纖影紅樹圍村知
幾層

雪朝限韻

世豔刪須淨地文相自難洗心同止水刮目待青山太始澹
無吟化城蕩不關霏霏玄唾靜聽眺杳茫間

七里瀨

浦激昂茂石負舟柄鑿鳴一篙移十武列岫轉孤清雪澡雕
鶯影村深猿狖聲半規千嶂紫夕滌水雲平

馮爾弼先生令揭陽時侍姬墓在金山同林用始過而

追輓之

返魂無計覓名香泉路人間總斷腸夜月珠歸迷合浦春風

花落惱河陽玉釵影化難留燕瑤瑟聲淒泣斷凰去住因緣
俱莫問空花看換眼前光

唾霧岩

峯峯峯色一岩收朝煙暮煙雲夾浮山鳥彈聲空翠落松風
潑響秋濤流江寒半落鶉鵲水土淨平分鶯子洲坐對斜陽
翻絕壁只如乘氣汎神舟

讀佟氏幽憤錄因弔熊之岡

天壤由來力不支驚人齷齪快恩私襄平一網連江夏熊所

薦用者臺省批根假北司辨諱豈能伸李賀主逋何處得侯彝

舊家每道偉元孝誰信侍中真可兒

讀劉佐明拜傅相公空墳詩

九土何分室與塋到頭埋骨不埋名世間儘有長生訣拔宅
仙人只舍生

聞南曲四首

紅豆秋枝靚可憐坐中驚見李龜年江南風景今全別不似
乾元與上元

哽亂哀音不可聞持杯灑痛想汪雲於今獨對幽花泣眼底
曾無十八人

宮商離亂怨涼州落葉吹蓬颯似秋未是曼聲過逆旅如何
坐上淚長流

顧曲曾依舊令狐棲遲零落事屠沽中朝供奉紛如許肯撲
檀槽詎座無

秋海棠

繫臂紅絲縷縷長珊瑚枝挂紫銀瑤羅衣新試花陰立驚見
霓裳舞袖香

石泉菴

焰心渾欲煮冰華乞與玄漿漱慧牙石髓一泓流汗漫仙人
平等施千家

方授二首

授字子留桐城人諸生有三奔浙江草浙游四集奉

川草

田間集子留嘗和子美諸將詩悲憤激惋爲雲間夏
瑗公所賞甲申後祝髮扁舟東下望見鍾山孝陵痛
哭失聲所至賦詩悽愴聞者泣下
居易錄子留甲申後焚棄筆硯逃之四明山中結茅

採椽間為吟詠流傳人間時謂真隱
桐城方氏詩輯子留國變後飄泊江湖間自號圍道
人既視髮從浪杖人遊或歌或泣流離悒鬱以死年
才二十有七

贈蕭尺木居士

眼枯未忍望鍾陵早見鍾山梅下僧四海有情空入畫千秋
何事欲傳燈敢當倒屣憐貧病聊與科頭數廢興我夢不離
靈谷樹欲隨君住白雲層

喜得戴大書

分手秦淮四月間三年風雨別離顏夢魂不去南朝寺書札
初通東海關我尙未能知死所君從何處得生還開函總是
長相憶珍重龍眠大小山

王錫闡一首

錫闡字寅旭一字昭冥吳江人有曉菴詩文集

靜志居詩話寅旭為人耿介拔俗詩亦不俗時習
杭世駿道古堂集曉菴性狷介不與俗諧著古衣冠
獨來獨往用篆體作楷書人多不能識凡象數聲律
之學殫精研窮必得其肯綮而後已尤邃於歷學兼
通中西之術自立新法用以測日月食不爽毫忽中
壽沒且無子潘耒從其家求遺書得詩文二帙著述
數種有曰大統西歷啟蒙曰丁未歷稿曰推步交朔
日測牙小記曰三辰略志曰圖解而歷法六卷最為
完善又有歷說歷策左右旋問答萬充宗徐圖臣
諸書言歷事者精核可傳梅氏嘗評近代歷學以吳
江為最識解在青州以上
丁子復見堂文鈔曉菴蘊性耿介以志節自勵乙酉
以後忍飢杜門歷二十餘年如一日所與游皆一時
遺老桐鄉張楊園先生履詳崑山顧石戶先生炎武
交最篤石戶云學究天人確乎不拔我如王寅旭
其傾倒至矣予嘗讀先生詩有云我固冰雪心炎燎
不能灰又云蟬抱高枝鳴喝死聲不哀繹其志意
嗚乎與寒冰比潔可也

過湘蟬業師村居看牡丹

柳塘三里近步履幾回過為道名花放春光去已多

李成憲 一首

成憲一名正字正甫番禺人諸生國變後為僧字雪

牀

廣東新語零工山人番禺諸生丙戌城破其父及於兵難山人乃髡首名今日僧遜居零丁之山遇哀至放聲曼歌歌文文山正氣之篇歌已而哭哭復歌四顧無人輒欲投身大洋以死既又自念吾布衣之士耳與其死於文何如生於君死於父則無子斯死父矣生於君則有臣其向可以致吾之命而遂吾之志也乎於是乘信風而返性好獨坐酒酣慷慨為詩有日身當痛後哀歌短家自亡來骨肉輕又日多病一身堪久客故園兄弟尚重圍又日夜夜哀魂同夢父年年孤影愧稱兄又日當天落日愁無影到地悲風壯有聲皆悲酸慘絕如猿吟鶴唳不堪入耳久之竟鬱鬱以死

獨漉堂集零丁山人既痛家國之禍束身孤旅寄食於漁者遇哀至則拊心零丁之上澆酒四顧放聲曼歌所為詩多刻厲悽惋之音

寶安清明

江邊芳草自清明久客思歸計不成邱隴十年無孝子兵戈萬死有孤臣身當病後哀歌短家自亡來骨肉輕未論故園豺虎窟窮途魑魅尙縱橫

黃徵之 五首

徵之初名師正字帥先改名後字靜宜又字波民建

陽人

陳庚煥惕園初稿王貽上嘗傳徵之小桃源山居一詩小桃源為武夷最勝處詳其詩語徵之蓋嘗以黃冠歸故鄉其後出遊大江南北康熙丁未郡人葉矯然遇之京口僧寮三伏中為矯然揮汗賦五律於便面意氣不少衰後二十年矯然延令放生菴見其壁間詩詢主僧云化去五年窮老無子歿於維揚同

人曠金以殯矯然求其全稿不得錄所見詩以歸其
詩妍麗中正復冲遠有王孟風致
全閩詩鶴靜宜為史公可法幕府上客才如王景略
節如謝舉翊詩筆妍麗不類其為人

小桃源山居五首

柄鑿方知入世非幽尋勝迹豈全違
琴清夜月留僧宿酒熟
春山待客歸自製竹皮籠短髮新裁荷葉理初衣平生羞乞
人間米糠實寒泉可療饑

買山端為好藏書較勘丹鉛慰素居未醉亦言卿可去相過
先問客何如紅疏藥逕尋詩處香漬蒲汀洗硯餘不欲種松
知歲月年光自分老蟲魚

停雲零雨感天涯臥看仙源萬樹花鄰舍飯香炊蕙苽野人
羹美摘芹芽傳書每倩司屏鶴押字能驚沸沼蛙栽菊藝桑

吾事了石田空種故侯瓜

新蟬響壑樹先秋煙梵沈沈靜夜流自覺據梧方喪我何須
攬茝要盟鷗移山愛著愚公號逐日兼無夸父愁聞道仙人
多玩世竹間舒嘯有高樓

嵐光霞氣繞青林投榻松根抱膝吟飲澗野麈歸洞晚隔花
唳鳥語煙深交多谿友邀論釣社結山家約會琴為愛躬耕
從避世遙遙沮溺是同心

李確 六首

確初名天植字因仲更名後改字潛夫平湖人崇禎

癸酉舉人有蜃園山游諸集

樵李詩繫因仲甲申後遜迹龍湫山稱龍湫山人數
十年不入城市一子早喪家奇貧門無三尺童厨無

爨婢惟白頭婦相對間績棕鞋秋冬際俟天目僧至
 償其值易去又劈竹為器鬻於人往來海涯九峯顏
 然窮老後復耳聾與人相接無一言久或相視而泣
 長更守帥聞其名訪之踰垣避去山中糧絕或給以
 酒米非其人雖饑勿受也每歲必賦三月十九日詩
 悲涼感愴讀者哀之又和梅花百詠多以自況其詩
 清真雋逸得元白之致
 鮫琦亭集乍浦之以科名起者自蜃園先生始三上
 公車癸未其子諸生觀卒自以為有隱慝痛自刻責
 絕意仕進改名確字潛夫彭仲謀作先生傳以為國
 難後改名者非也既游遭喪亂髡其髮別其妻入陳
 山訓山中童子以自給其自署曰村學究老頭陀居
 山十年陳山之僧開堂先生避喧始返其蜃園蜃園
 者乍浦勝地可以望見海市者也又十年先生益困
 不能保其園寄食於僧寺戚友憐之相與贖園而歸
 之二老相對時絕食歎曰吾本為長往之謀顧蠟
 屐未能乘桴又未能至於今日悔之無及待死而已
 魏叔自江西來造其廬相對而泣臨別以銀五錢
 贈之五反不受疑叔固請曰此非盜跖物也乃納之
 疑叔因屬曹侍郎倦圃糾同志復為繼粟之舉且謀
 其身後徐昭法聞之曰李先生不食人食聽其餓死
 可矣俄而使至先生果堅拒不受疑叔歎曰吾淺之

乎為丈夫也先生竟以餓死
 田按潛夫績鞋賣筓不受人食真有逸民風節所當
 列之一代惇史者也詩亦音節抗朗

聽楊太常彈琴詩 有序

西川楊懷玉名正經西陽宣慰使善音律崇禎年間
 召定郊廟樂章賜琴一張換文階特晉太常甲申後
 髡為僧遊寓於淮張子爾嘗居時彈琴其中相得甚
 歡豫章王子于一嘗聽其西方操作五言十律余為
 賦七言長句

秦箏與趙瑟傾耳多繁音惟有蜀國弦能傳獨客心關西老
 禪楊業後自言先帝蒙恩厚家世兜鋒一武弁援兵山海馳
 驅久時提長劍復邊城時撫孤桐理性情丹心一寸憑誰訴

碧月三更愴自鳴何期薄技承聰眷天子明光初召見祇憂
疆事東西爭那識角音風氣變都護銜新換太常瑤琴傳旨
賜師襄可憐倉猝流氛惡一夜烽煙入建章旄頭星明帝星
落天王聖明不可作故國無家泣旅魂天涯乞食嗟行腳淮
海飄零值故鄉南州高士今何之空堂今夕復何夕爲君感
激彈朱絲朱絲有情君不語朱絲無聲君不去西方凝望天
沈沈美人縹緲無尋處

阮葵生茶餘客話張虞山七夕琴歌序云楊太常名
正經西陽宣慰司人初官總戎時太祀郊廟樂章失
次宗伯林欲楫薦正經審音律改中書樂成晉太常
賜漢琴唐琴各一亂後流寓淮海自製二操一日西
方思一日風木悲爲作長歌按正經字懷玉家世爲
將少有別解通樂律懷帝召至別殿令彈琴稱善國
變後抱琴逃止故土主陳碧涵家時李子變爲淮安
推官正經往見爲李上客李爲買宅又爲其子納婦

於淮年七十餘而卒葬城東黃土橋與碧涵祖墓鄰
近陳氏每墓祭必置酒澆太常墓淮人集中多聽太
常彈琴詩平湖李因仲天植詩云淮海飄零值故知
南州高士今何之謂碧涵也

清明日長安旅懷

節物傷羈思歸程計夢中柳搖深禁綠花發故園紅鄰火分
銀燭街塵暗玉驄上林春已老爲我謝東風

白金家灣出抵桃花灣而歸

地險金家口臨危欲杖藜熬波無剩土東有公冶栽稻有青
畦海味珍沙虎此地沙最厚故多此山禽賤野雞秋鳥最貴夕陽潮漸

落寂寞舊桃溪

冒雨尋菊戲簡知己

冒雨相尋憶駱丞茲遊不獨古人能芝蘭祇許來三徑裘馬

三筆卷十六
遙知謝五陵紫蟹肥時君莫惜青山晴日我還登誰將老圃
圖秋色添箇看花白髮僧

觀濤閣酌萬定遠

海浦潮平一鏡空石欄尊酒此時同秋生故邑蕭條處人在
新亭涕淚中山鳥隔林嗁晚日江豚狎浪拜西風聞名欲訪
滄洲客好向鼇磯問釣翁

賦傷鄭嬰垣凍死有序

老友嬰垣年八十一無妻無子兼無食性高傲物不
肯干人真介守者凍死雪中殊深悲悼賦此唁之

貧居傲性不干人楚楚衣冠迥絕塵昨夜雪中騎螭去白雲
堆裏一遺民

李雲龍八首

雲龍字煙客番禺人諸生後祝髮為僧有嘯樓集

廣東詩粹鄧玄度云煙客詩間適恬愉
田按煙客五言律得唐人意境可與區海目繼武

秋日有懷

促織嗁寒月柴門終夕閉晨興坐高館木落見前山北雁已
又至故人殊未還芙蓉尚可采涉水為君攀

訪朱季美環谷莊居

尋君谷口路杖策入孤村逕轉方知處山開忽到門陰崖蒼
樹合幽磴野花繁向夕涼風起高齋聞夜猿

送張山人歸始安兼寄汪伯耳

二月春江深送君歸故林綠波與碧草一倍傷離心故人在

象郡欲往隔湘陰相見頻相問多愁年鬢侵

寄陳來獻

東風門巷寂楊柳數枝斜一夜聞寒雨開簾見落花感時念
離索之子臥煙霞願託青松樹山中閱歲華

茅堂

茅堂占西嶺門對亂峯開時有巖花落香從樵徑來松陰宜
散帙山月每當杯十載風塵客勞勞夢乍回

春江泛舟同韓孟郁賦

柳色漾春流黃鸝上釣舟偶來浮海興因作采芳遊楊葉藏
孤島桃花夾小洲歌聲聽不盡多在水邊樓

韓孟郁招同黃宮諭劉憲副高太守梁韓二明府暨蘇

梁諸公遊浮邱步寅仲韻

仙山在人境出郭愜幽尋花雨散瑤席松雲結暮陰勝情欣
有託酒政虐能禁借問三青鳥何時有報音

送方士招還漳州

津亭橫笛促歸槎一片蒲帆帶暮霞江上疏鐘生遠寺天邊
寒樹接平沙蒹葭雁下人初別楊柳鶯啼客到家聞道清漳
煙水闊相思何處寄梅花

談遷 七首

遷初名以訓字孺木一字觀若海甯人有棗林集

靜志居詩話南都議上景皇帝號曰代宗一時以為
當仲木獨以為非有答友人問景皇帝廟號詩云成
周作謚法大小行乃傳公且暨師望肇制自聖賢相
古后皇涉南郊必稱天易名典克慎敘法宜精專漢

後避帝諱臨文率拘學唐以代易世宋以真易玄其
文雖或殊其義則一焉景皇承大業卽祚凡七年多
難固邦國文武要略全履遣奉迎使事兄禮罔愆及
乎裕陵反黃離位南偏初非囚堯城奪門言何編梁
密策始建張懋冊用宣廟號猶未備何以垂簡編禮
臣失不學代乃居世先相越僅五世文義詎可治諡
說十五家親禮恐不然盈庭以爲是橫議臣談遷
杭郡詩輯孺木性孝友而廉不妄取一介藐山張公
經哉高公素交也金陵擁立之際高入相張爲冢宰
孺木以布衣遊二公間賴爲引重高公力薦於朝孺
木固辭不就迨二公相繼野死孺木抱遺民之恫拜
思陵哭故人聞關跋涉死於平陽司理解中吁可悲
己平生深於史學嘗集十五朝實錄並訪崇禎十七
年邸報成國權一書卽皇明日錄也里中盜起稿失
去沈思強素復閱羣書詢訪故老墨枯筆秃飢不及
餐日得十二紙爲率書成約數百卷
田按孺木博綜舊典詩亦長於詠古多哀豔之音

題徐道力壁上墨梅

猶龍蜿蜒幾千尺下挾風雷噴四壁天公激怒醒長夢左耳

割入華陽洞怨血流腥涌墨雲枯鱗脫盡三江凍蒼髯筆筆
皴莓苔寒冰畫裂橫飛來長風萬里吹不落羌笛關山易蕭
索

臨平

宿雲棲嶺上往往有松苓登嶂樵初到空香梵乍聽魚苗太
湖白桑種陸州青欲問前朝事輕橈此暫停

過魏忠賢葬處

口敕曾聞敵至尊九重日月竟黃昏北邙張趙無歸路西市
斯高有瘞魂國社遂傾悲大厦軍容翻使誑重閣一抔臭骨
何堪記頌德空勞義子孫

舟中雜詠

九河故道改東流此地嘗貽漢帝憂碣石舊思崇伯子代田
今少富民俟天津日落颺鵲夜瀚海風橫戰馬秋寄慨目前
非一事先須鑿石爲沈牛

渡江

長江駭浪限東南當日降帆有舊慙擊楫空聞多慷慨投戈
畢竟爲沈酣龍天浩劫餘孤塔海嶽書生別舊菴聞道佛狸
曾駐馬豈因佳味有黃柑

廣陵懷古

南朝舊事一蕪城故國飄零百感生柳影天涯隨去輦楊花
江上變浮萍遠山依舊橫新黛斷岸還看散冷螢今日廣陵
思往事十年前亦號承平

邊詞

白龍堆上草千秋元菟城南雨亂流少婦不知邊塞苦時時
飛夢到涼州

文祖堯一首

祖堯字心傳呈貢人貢生除名山訓導遷太倉州學

正私諡貞道先生有明陽山房詩稿

滇南詩略介石初任名山訓導刊進修日程以古道
訓士士習爲之丕變改太倉學正刊儒學日程頒諸
生俾日記善過月朔考其進退躬行以率之一時咸
謂安復生國變後棄官從中峯蒼雪師遊僑寓益
陽菴服僧服以青鳥術自給婁人無賢愚貴賤愈益
敬愛周以粟帛吳浙獨行君子爭相延致歲會講學
後還鄉競爲詩歌送行繪像作傳以誌思慕既聞道
卒因就其所居室爲位以哭顏日思賢廬以祀之私
諡貞道先生

田按陸道威陳確菴東南大儒其於介石心悅誠服

則介石之品可知矣道威贈介石講易詩云舉世悲
胥溺中流幸有師發蒙分復安節處明夷盛德古
無敵太和今在茲春風周茂叔觀面莫相疑確菴奉
留介石詩云園橋相圍久蕪萊祭酒家從南詔來青
杖夜迎劉向入絳河農傍馬融開諸生忠孝扶天地
都講詩書起俊才忽報降幡颶牛渚西風一夕捲堂
哀長江鐵鎖竟何為中夜旁皇泣素絲畫日筆隨降
表進草玄人恐獻文遲武陵洞口桃花笑朱雀橋邊
燕子知獨有孤忠老博士焚冠和淚寫新詩

清浪灘聞杜宇時有還家之想

怪石磷磷與浪平扁舟搖蕩怯前行歸心正與灘俱急況是

重聞杜宇聲

周歧 二首

歧字農父桐城人貢生以辟舉開封推官有執宜集

李雯舒章集農父為人温厚直諫居前使人軒居後使人輕其學長於經術寔於兵農博於緯數周於人

物其為詩根柢乎漢魏條穎乎六代茂成乎初盛唐
靜志居詩話農父始入京師即上書宰相言時政得
失馮公鄴仙薦參宣大軍隨授開封推官參陳元倩
軍復以按僉事銜參史公道隣軍識者比之陳琳阮
瑀其詩雄奮亞於方密之錢幼光
潘江龍眠風雅農父國變後歸築土室吟臥其中足
不履城市以終

嫠女吟答陳百史

蟾魄既西蝕烏羽亦東藏烈烈驚風吹壁冷燈無光中有獨
居女唧唧聞悲傷問女何所悲不字稱未亡豈悲衾與裯切
恐人無良有客何方來將書委篋箱開緘讀素書姊妹舊成
行上慰顏色好下言夫婿當叠書篋箱中卻拜歸空房孤鸞
戀枯澤彼鳳自有凰感君纏綿意還君明月璫寄謝諸姊妹
勉事新姑嫜

田按深陽既相將特疏薦巖穴之士寓書將意沈耕
巖對使焚書深陽意猶未已耕巖以死誓乃免農父
發女吟亦答深陽御聘書也竹垞詩話謂農父參楊
龍友軍死于浙右此係孫武公事誤屬之農父當以
潘蜀藻築土室足不履城市以終之論為確

人方仁植中丞還里

欲反離騷問汨羅至今聲明洞庭波雲中舊牧堅言戰丞相

神機只講和狂客悲來三策廢仙人舟去五湖多歸思豈為

鱸魚鱸滿耳秋潭漁父歌

桐舊集中丞撫楚勦賊屢戰剋捷而督師重臣乃以
和自誤誤國當時草茅之見朗者列眉而朝臣乃見
不之及何也

弔故相國史道鄰先生

舉目河山勢已更當年百戰此危城恨留一矢浮圖著臂刺

孤忠血迹明擲杖長憐夸父沒揮戈難起魯陽生相看惟有

庭前柏猶宿棲鳥向我鳴

魏禮 七首

禮字和公甯都人有魏季子詩文集十六卷

錢林文獻徵存錄和公詩若高竹露初下寒花香未
分孤雲秋正渺雙雁遠相隨落魄遠行客風煙何處
能及也身虛遙夜溪山帶早秋與唐人近伯子叔子不
吳德旋聞見錄和公築室翠微峯最高處名曰吾廬
水叔為作吾廬記稱和公渡海時颶風發舟中人眩
怖不敢起和公獨起視海中月作乘月渡海歌兵變
闔門而坐作海南道中詩三十首其膽畧過人如此
田按甯都三魏長善伯次叔子季和公善畧過人俠好
義當世隱君子暨族戚倚以為安危者三十餘年叔
子豪於文以議論傾動海內和公稍晚出師事叔子
其文尤奇闢警動而終歸於正大嘗有答人書云天
下去樸久矣樸者人之本萬物之根世道治亂之源
也夫惟樸去至於盡而小人盜賊弒逆烝報殺戮之

禍害相尋矣故世之治也必先反樸而其亂必先之
以浮靡之巧詐言行乖戾以醞釀殺機天地莫可如何
遂聽人之所為日月星辰易其度山崩川竭震圻質
亂之變成兵戈疾疫水旱之災其勢有所不得已蓋
不如此則不足以發財竭力盡浮靡無由作於是
慮無聊巧詐莫能發財竭力盡浮靡無由作於是
詭譎而古復萌矣為文喜昌黎東坡不喜曾南豐
於根而春始萌矣為文喜昌黎東坡不喜曾南豐
嘗著論曰子固屏絕百家其為文雖祖劉向而所以
自處者嘗比董仲舒然禮以揚雄書紕繆乖離莫甚
學者也嘗讀君子固深論揚雄書紕繆乖離莫甚
於此子貢曰君為行權吾以為必無得於春秋子固
高以祭仲逐君之明夷王安石以雄之仕合孔子無
以揚雄合箕子之明夷王安石以雄之仕合孔子無
可無不可之義吾以為必無得於大學而董仲舒漢之
於宋有再造之功岳武穆雖見委用終不能克金以全
宋亦附會其師說此與子固之好雄書而強飾其過
者相似人著書立論以傳後世其論議間有出於此
則生平文章盡可投之水火而不足惜陳義甚高可
以震動一時之耳目生平喜遊於閩交李元仲於粵
交陳元孝二人傾倒甚至詩格好奇余少錄其平易

者

上灘謠

左洋洋右澎澎前立虎後立狼上麻羊下麻羊

贈淮安張天中

君子受譽如受毀豪傑報恩如報仇丈夫磊落不得意吹燈
夜起看吳鉤淮陰市上當日午茶亭酒肆喧歌舞不見當時
惡少年何論千金酬漂母天中意氣成春雲于我如逢異地
親樓上鐘聲對曉色門前荒草共黃昏輕舟自過燕齊水長
河濁浪勢千里秦梁不去空南來敝衣短髮見吾子

嘉禾道上

征途嚴夙駕起坐聽雞鳴細雨望中合諸峯雲裏生炊煙村

斷續春草路縱橫苦旱今方稼紛紛又說兵

海旋李氏舊園

但剩頽垣在猶聞繞徑香藕花知舊恨菱葉滿橫塘石落洞
門閉畦寬雲水長紛紛歌舞日種得此淒涼

燕邸偶作

遠望當歸去還登何處樓連陰只似夢見月始多愁
仍出浮雲暮欲收看看燈火夜門掩一庭秋

舍舟行洞口岸

野草野花江上村家家犁水田勻鷓鴣飛處橋頭路
聲中客子身新夢日多憑薄簾故人春思在衡門此間可有
胡麻飯未許桃源更避秦

潭口尋仙人蹟

我非許道士乘輿亦能來但領秋光去石門何必開

林時益二首

時益甯藩裔孫原名議濤字用霖授奉國中尉國變

後變姓名字確齋

魏禧叔子集中尉友南昌彭士望九江破兩人挈妻
子走建昌士望二至甯都見甯都魏禧立談定交遂
同中尉往依焉與諸子結廬金精之翠微峯講易讀
史士望嘗遊四方中尉以病多家居並督二家事既
日貧中尉日不力耕不得食也率妻子徙冠石種茶
親鋤畚手爬糞土以力作夜則課子弟讀通鑑學詩
間射獵除田豕有自外過冠石者見圍間三四少年
頭著一幅布赤脚揮鋤朗然歌出金石聲皆竊歎
以為古圖畫不是過也中尉酒後亦往往悲歌慷慨
見精悍之色近十餘年益隱畏務推剛為柔儉樸退
讓使終身無所求取於人無怨惡於世雖子弟行以
橫非相干者勿與較也晚又好禪嘗素食持經咒尤

嚴殺生戒見者以為老農老僧不復識為誰何之人
中尉更姓林字確齋所製茶高妙遠近名曰林茶工
二王草法詩於杜為別出人咸推服之

白甯都城陟峴

迢遞出城郭霜煙聞暮鐘人行古細路屋在此高峯煮粥呼
寒女歌詩對小童不須疑物外已有白雲封

下橋

侵晨懷刺出西關每到長橋意自閒兩岸人家齊種樹一溪
流水曲依山下船春米先冬辦船上設輪與白以隄堰水傍
屋犁田入夜還直欲此間成小築憂時復恐徙家難

徐夜 十首

夜初名元善字長公改名後字東癡一字嵇菴濟南

新城人諸生有東癡詩選

池北偶談東癡年二十九棄諸生隱居東臯鄭黃河
上掘門土室絕迹城市有朱桃椎杜子春之風
漁洋詩話徐東癡余叔祖季木公外孫與余兄弟為
外從兄弟詩學陶韋巉刻處似孟東野余目之為礪
松露鶴
田按東癡詩清真絕俗時有獨造之語非隱處巖穴
者不能道也

初夏田園

朱夏輒復變深綠日以肥感彼生物勤節候曾不違清晨荷
鉏出田間人尙稀觀物適自然時見朝雉飛不惜筋力疲但
恐坐食非作勞有時息高春行來歸端坐撫素琴可以理朝

饑

東村

麥登蠶已盡持斧伐我桑條後盛枝葉次年柯不昌農家節
蓄意不使樹力傷姑息成晚茂誅絕先秋涼今歲既已矣來
歲豈不霜新絲甫下籽可以爲衣裳非無適體衣於心終有
常

季夏西山

結屋此山間柿陰濃晝暑雲從巖際來向我窗中住北上最
高峯下瞰臨何許愛彼南澗松去濯清冷渚時來石上坐月
下聞樵語風雨潤香過石臼響禾黍

清濤閣看夜雪題季亮壁

君家清濤閣邊好雪後陵臨更幽窅林村欲近峰欲遙掩映
清光殊了了一幅倪家冷淡皴深寒古穆如其人忽然忘卻

是筆墨巖邊特欲置儂身蒼茫一抹竟何辨高巢老鶴作人
嘆閣東簾影燈火儂茶香坐煖無隆冬就君情話夢君榻懷
抱溪山千萬重

侍家叔夜坐試茶

月吐東峯隙蛩鳴山悄然烏棲雙樹影僧定一龕禪鐘靜聞
空籟茶香汲夜泉坐深衣露冷不寐抱秋天

秋晚途中

一徑入蟲響層陰天暮寒迴風吹短策落葉下長干雁與關
山盡秋隨禾黍殘人家籬下菊忘作故園看

崇川雨泊

身與孤舟暮帆檣落市聲遠潮經岸失鄰火過窗明風雨橫

江夜烽煙近海城故鄉千里外回首憶歸耕

富春山中弔謝皋羽

晞髮吟成未了身可憐無地著斯人生為信國流離客死結
嚴陵寂寞鄰疑向西臺猶慟哭思當南宋合酸辛我來憑弔
荒山曲朱鳥魂歸若有神

九日登吳山絕頂

漂泊江城漫賦哀更逢搖落此登臺南中節候看人過北地
秋風少雁來雨勢遠從天目入潮聲高擁海門開黃花白酒
傷心日不獨他鄉送客杯

高陽道中

潦餘波水淨漂木慘澹郊容感慨多地近酒鄉須痛飲時方

秋氣祇悲歌夕陽遠樹迷三鎮古道驚風散九河不見荒城
屠狗客荒城野墅獨來過

夏古丹 三首

古丹本姓胡名涵國變後析姓為名改姓夏有葫蘆

藏稿

靜志居詩話古丹與吾鄉吳縣可黃項上舍子毗
結契是亦湖海之士詩如春風明日動柳色上吳船
晴雲一東山腰白秋色無多樹杪紅非下里音也
鄭元慶湖錄古丹遊地吾邑之球山有張庭賓者不
知何許人與古丹遊處古丹有詩輒錄之山齋懸一
葫蘆紙盈幅即投其中古丹沒葫蘆適滿爰繕寫成
帙系以輓詩五章題曰葫蘆藏稿然古丹之詩不盡
此也韓子夏廣為搜求錄一大冊顏曰古丹詩稿
吳興詩存古丹本姓胡名涵字天木越中望族生長
燕山繼遷白門丙戌丁亥間析姓為字遨遊溟渤錚
錚以豪傑自負其詩願芊綿婉麗不似其為人嘗往
來吳興礫山乙卯冬卒於茅茨之下山中友人胡山

眉葬之碑南龍興橋畔昔人作詩人九命一日無終
古丹者擬諸唐人亦駱賓王周朴之流歟

立春首一日夜泊橫塘同休菴夜話

久矣厭城市橫塘今夜眠霜風吹徹里星火照殘年為客艱
難盡同僧去住便春風明日作柳色上吳船

獅子崖訪石巢上人

縹緲空中寺高寒物外僧去天方一握浮世隔千層飛鳥相
知否孤雲到未曾我來妨屐齒終日步峻嶒

春歎

燕子歸來門巷差於今王謝已無家東城甲第空流水南國
衣冠半落花白髮亂中春雪老青山醉後夕陽斜自騎款段
和風裏不羨長安白鼻驢

薊過庭 二首

過庭本姓計改稱薊字尊聞歸安人

吳興詩存尊聞父賈於江南稱素封僑寓虞山及尊
聞長揮千金購書與至輒吟詠咄咄自喜喜擊劍好
結客客有羅福者傾資拯救有俠士風性堅僻視妻
子如路人學禪於茗西葛鳴結廬栽梅竹蒔藥草有
終焉之致偶與遠鄰小不協即棄去暮年飄泊貧病
卒於若友人陳蘭碩殯之
田按過庭改姓喜事迹頗矜奇時有佳作如遊雪竇
題秀巖但不可多得耳

遊雪竇

野策過眉笠覆肩軍持腰繫踏巖前確春田舍成村落犬吠
林泉識洞天荒磴夕陽催屐上欹松明月到頭圓好將題字
鐫新竹記取名山信宿緣

題秀巖

絕壁粘菴沁骨冷平臨七十二峯青巖頭花落輕於雪湖面
船浮小似星忽地放歌驚谷鳥從天得句笑山靈不須更覓
安心法到此都教百慮甯

張蓋 九首

蓋字覆輿一字命士永年人有張子詩選

曝書亭集永年有隱君子曰張蓋能詩文工草書亂
後謝去學官弟子悲吟侔傑遂成狂疾嘗遊齊晉楚
豫間歸自閉土室中引酒獨酌醉輒痛哭雖妻子不
得見惟同里申涵光雜澤殷岳至則延入土室談甚
洽其為詩哀憤過情恒自毀其稿或作狂草累百過
至不可辨識乃已久之狂益甚竟死其五言詩高簡
方詣古人
居易錄廣平張覆輿贈申鳧鳴一絕云草澤賢豪盡
上書奎章閣外即公車我同漁父因衰老獨有涵光
是隱居
出按覆輿五古神似杜陵其情景亦宛肖

寄贈李十三郎君

主人十三齡天駒見龍脊絕塵瀟灑姿能解留人客子時至
平干復著遊山屐足繭澀登途盜賊况充斥脚脰數里間落
日藏光赤投宿上君堂張燈照昏夕蹇驢足芻茭老病須燔
炙奴僕亦殷勤自來榻床席酌酒須玉瓶傾光泛琥珀感情
欲痛飲所恨胸腸窄恭聞爾先人遺汝登朝烏汝兄善草聖
海內稱名碩汝才駕徐陵準擬文章伯子有兩男兒雞鶩空
毛翮大兒倍汝年弧矢未能拾小兒少汝年祇備樵蘇役何
以汝聰明日夜親圖籍老夫若汝年走馬垂楊陌有時叢臺
下醉舞揮金戟中歲好彈琴素琴橫白石旁植一枝松今已
高千尺忽忽鬢髮蒼自顧無良策何處可容身避地來山澤

結交無老少遭時有順逆長嘯望停雲題詩謝疇昔

昭明臺呈襄陽諸公

楚郡蟠江腹危樓逼太清窗通高鳥過檻俯白雲生帝子留
文字羣公列拾平我來戎馬際登眺獨含情

秋興

兔嶺邯鄲外羊祠楚甸中鄉心堪夜雨旅病苦秋風朔橘垂
丹實江蕉卷綠叢幽姿不可見倚樹獨書空

盧工部說楚中山水

說峽山垂座談湖水在襟幾時能到眼此物最關心戰伐周
流阻窮愁老病侵酒中聞勝事感動一長吟

渡沁水宿襄陵關

斜陽明晚渡倦馬踏寒雲岸動移舟影沙喧落雁羣山城秋
似畫水市暮多聞老客歸心急無眠到夜分

谿村卽事

羃歷樹中行潺湲石瀨清野花開間色秋鳥落寒聲家住愚
公谷書傳老伏生鄰人自來往日見不知名

喜郭楚玉至

五載一相見乾坤幾變更亂離驚汝在衰病惜人情齒髮前
朝貌丹青後世名談詩悲喜外好雨向簷傾

夜泊樊城

竹樹楓林旅舍情無邊星月照江城雲帆夜宿漁燈小山閣
風傳戍鼓鳴鴻雁不來鄉信斷兵戈欲動客心驚明朝白髮

含霜露辛苦黃塵道上行

漫作

玉盤漬墨可二斗高麗繭紙冰蠶紋醉來揮灑興不盡欲上青天寫白雲

韓畱 六首

畱字經正大興人有天樵子集

池北偶談石耕亂後遊江南徧歷台宕諸勝客死平湖善鼓琴尤工五言詩有句云春愁當二月酒渴起

三更

靜志居詩話石耕善琴所操北音恥作妮妮兒女之語終身不娶游覽江湖以終今之牧犢子也五律清穩頗足名家

田按石耕詩善於寫景不為詞費而意境自遠

送友人之晉州

策馬不辭勞看君氣自豪秋風雷澤迴寒色太行高黃葉當關路清霜脛布袍遙知初到郡應解醉葡萄

雨中送春

綠草疏籬映水濱清溪寂寂四無鄰一簾細雨仍飛燕幾日殘花又送春多病翻愁今夜酒傷心如別故鄉人明年客迹知何在早向天涯慰苦辛

九日登雞鳴山

聞道東籬菊已黃無因移向酒尊旁西風忽起野煙暮落葉亂飛山樹蒼雁帶寒聲歸渚急江涵秋水與天長浮雲遮盡登高眼不許愁人望故鄉

山家即事

山家就宿看山月松際清光半未升涼色漸生花徑露微風
欲滅草堂燈壁鄰荒寺疏鐘斷簷壓春星夜氣澄亦願幽棲
來此地柴門相望幾時能

舟行

川長靜無風擊楫逐前侶落日煙水昏舟人暗相語

早發

斜月下煙村孤舟乘晚發臥聽往來船橈聲自鳴軋

周蓼卹 二首

蓼卹字真栖大冶人

楚風補蓼卹號苦蟲大冶遺民與王于一杜于皇遊其詩多見卓子任遺民集

秦淮竹枝辭 二首

輕盈繡扇去來風香氣霏微落照紅莫道巫山多少路美人
只隔一簾中

南絃北管不同鄉今日吹彈共一場若問清溪波上影梨園

還是昔時裝

彭士望 十一首

士望字躬庵南昌人徙甯都弘光隆武時授兵部司
務再授湖西道改湖東事敗潛身草野以沒有恥躬

堂集四十卷

盧宜二續表忠記清江楊廷麟死於章貢長子城先
卒次子璫七歲義僕楊學負奔門人彭錕家甯都破
璫掠於兵門人彭士望傾貲贖歸臨江生二子尋卒
二子亦殤清江遂無嗣士望南昌名士具古道者
魏禧叔子集翠微峯距甯都城四十里四面削起百
十餘丈自山根至絕頂若斧劈然上古以來無或登

而居者歲甲申子禾山隱鑿登架閣道於山之中幹
 辟平地作屋其後諸子講易蓋所謂易堂者也遠近
 之賢者南昌彭躬庵句容林確齋貴池方山子先後
 附焉山東南隅構草堂阻石為池蓮華滿其中曰勺
 庭余獨居之環屋種桃花躬庵詩日雲中蓮葉秋池
 豔天半桃花春井香謂此也
 陸麟書有瓶山館文存躬庵父哲聞漳浦黃道周平
 臺召對語歎日鐵漢也臨卒語躬庵當師之適道周
 觸思宗怒繫詔獄躬庵傾身營護之甲申變聞閣臣
 史可法督師揚州招躬庵至則進奇策請用高左兵
 清君側之惡可法駭日君年少氣銳果爾得為純乎
 辭歸挈妻子至甯都依魏禧居翠微峯巔與禧兄弟
 講學於此所謂易堂諸子者也時江西講學者易堂
 外在星子者日髻山南豐日程山躬庵皆與往復大
 抵以陽明念庵之說為宗而歸於有用實可試諸行
 事嘗謂天下學者之病在於虛經義氣節曠達文章
 延而至於理學經濟皆虛病也生平嗜朋友海內宿
 望結納殆遍夕聞一士迫不待日至於老不衰
 田按躬菴論學戒虛用世取權蓋非拘於一方者集
 中冬心詩數十首愷切沈痛皆中當時之癥結徒以
 時局大壞雖豪傑有志之士拮据赴難無裨毫末齋
 志以沒悲夫

木莊同林確齋魏疑叔遲邱邦士

田家獨楓樹霜丹映寒石微徑出其中白日罕人迹維子林
 子俱沿溪翫澄碧溪上有精廬晴峯何厯厯破碎斧劈文根
 齒淨搜滌花木難指數松栝最高鬱梅得數株好老榦竟踰
 十喬木見村村隨意自疏密十年戎馬生不復問城邑近郊
 獨留此遂與幽人室于此遲邱生庶幾一來即

冬心

人才天地心長養萬物命學術盡壞之好惡失其正舉世愛
 一同幻出千蹊徑標榜各是非傾危互機筭遂令天失權假
 人發真病盜賊九廟墟將相三木鑿方隅九萬里雞犬不能
 靜到今無悔耿耿勢彌盛天亦且奈何蓄怨不遑定

秦俗棄詩書宋朝繁議論明廷謹資格以此俱不振宋人稱
堯舜文具樂寬異明人非科目孔子孟不能進秦人盜賊心農
兵令嚴信明肯雜秦治到今足無憂救世必偏枯不得驟平
順如藥藥病人瞑眩方和潤亦如厯歲差待後重整頓嗟哉
廟堂客目不經行陣空以文字筆遙遙敵鋒刃潰敗不可彌
千秋抱長恨

古今用盜賊獨推銅馬帝祖逖與宗澤岳家有名字八日平
湖南俱用賊爲餌少壯籍爲兵峻令嚴節制不似張韓軍殺
掠多縱肆逃以徒手行過淮鍛軍器用賊蹙河南石勒亦歛
避澤誅趙世隆弟帶刀侍隆眾露刃立徐語反流涕王善
七十萬呼遣同圈境此必有中權不徒感忠義奈何後來人

倉卒輕嘗試孱老稱家翁健婦益抗恣徒使家門空盡殺羣
僕婢澤豈師武臣元祐名進士

古今撫盜賊當問源與流漢制選守令意乃重懷柔其時風
尙醕解劍卽買牛建武十六年屯結連四州許盜自相擿不
罪吏逗留但取獲賊多報最居上優賊解徙其魁受稟賦田
疇自是言不閉牛馬放不收唐有高仁厚立破阡能謀用一
驚恐人遂令全賊休六日五寨平未始加虔劉元則董侍選
守地嚴干揪誅其囊橐奸賊出爭自投賊平黜賊吏昇火除
根蠹民賊一元氣變化良有由苟且終撫局疽食正堪憂

漢滅于賈詡亦滅皇甫嵩賈詡自救死甘爲郭李庸韓盧獵
漢祚曹氏收其功嵩挾震主威不敢聽閭忠并不誅宦官自

謂臣節恭又不誅董卓酈言亦不從于身則養虎于國則養
癰其人實淹博苦被書牢籠丈夫決大策雷電發其蹤呼吸
成敗分豈得姑含容利苟在君國惡名甯在躬我恨張守珪
其事將無同

乙未夏五惶恐灘作

惶恐灘聲五月寒舟程出石報平安英雄此路老俱盡天地
到今愁未寬白日下照水流疾蒼松高鬱雲孤盤江村漸急
求湘鼓野客初聞涕獨酸

題三峴彭中叔青壁堂

青壁覲面幾千尺細看雲煙生石根須教日腳冬回谷獨許
泉聲夜到門客子過談雜醒醉主人冥坐隨朝昏芙蓉翠竹

秋窗冷愁絕中原萬里村

雨漲

春雨連江漲百川蛟龍夜起未安眠平欺綠草全吞岸不讓
青山直到天衝溼盡逢騎馬客乘流時有釣魚船吾生徒倚
將何適空對芳洲獨樹前

白冠石谷口過西橋涉溪並行至水莊古木平疇山川

曠秀慨然有詩

奇石錯立低復昂出谷入谷雲茫茫左折西橋渡溪水回看
諸嶺生煙光平疇野靄含千樹急湍迴波滌一壻獨此愛山
自朝暮百年與世爲冰霜

同祝仲立瀟湘泛月

十載江湖秋夢多月明誰共話煙波憂來只與青山近老去
其如白髮多芳草同舟公子思落花空谷美人歌紛紛木葉
辭前渚獨有西風戀黍禾

戴笠 二首

笠初名鼎立字則之更名後改字耘野又字曼公吳

江人諸生

靜志居詩話曼公谷隱巖耕不入城府句如愁邊細
雨孤舟遠夢裏青山故國春夜雨聲中流水急東風
陌上野花開眠息夢裏誰家地嘒鳩聲中故國秋大
有孤山處士遺韻

玉峰南郊遇臞庵法兄寄妙喜雲和上

遯浦當時別思今二十年同誰吟笠澤獨自望琴川煙水情
空切雲山句已傳為逢徐孺在半偈寄峰前

同臞庵次耕問津宿永甯次臞庵韻

逢僧南郭外殊似舊相親冒雨過婁水歸舟溼角巾喜安居
士榻吟共故鄉人自是雲深處何須更問津

朱士稚 二首

士稚字伯虎更字朗詣紹興山陰人門人私謚貞毅

先生有集

朱彝尊曝書亭集朗詣所最善者一人曰張生宗觀
宗觀字朗屋善樂府歌詩以王伯之略自許時號山
陰二朗
靜志居詩話山陰二朗其郭景純雋上之才仗劉越
石清剛之氣令假以年直可凌顏鑠謝陳臥子云越
國山川出霸才二子咸以管樂自命誦朗詣讀史詩
云英雄窮賤盡無策天下侯王自有時慨當以慷不
啻擊缺壺口也

雞鳴歌

晨雞膠膠天當曙風吹四野行客去月落霜深鴛馬鳴嚴城
遠角解秋成曉塞蒼茫宿雁悲殘星明滅低欲垂

寄童師遠

搖落輕遠道滅滅登南岡西風日以厲塞雁橫天翔浮雲難
自託單絲不易長大輅載秋薺黃金委道傍齊門奏妙瑟芝
蘭行履霜反覆不得歡陟嶽思故鄉征人顧短晷人命如夕
陽何為須與間困苦以悲傷

明詩紀事

貴陽陳田輯

辛籤

姜埰 七首

埰字如農萊陽人崇禎辛未進士除密雲知縣改儀
真人為禮部主事遷禮科給事中以言事廷杖削籍
戍宣城同人私謚貞毅先生有敬亭集十一卷

四

庫總目埰詩才本清剛氣充激壯故詩文皆直抒胸
臆自能落落不凡然縱筆所如不暇鍛鍊故粗獷之

語亦時時錯雜其間

靜志居詩話廷杖與東西廠錦衣衛鎮撫司用刑之

酷前代未有自王振亂政鞭撻朝士大臣有枷項者
迨成化中王直用事廷杖臺省臣王濬李俊等五十
六人正德間以諫南巡杖舒芬黃鞏等百三十人死
者十一人嘉靖初以爭大禮哭左順門杖豐熙等百

三十四人死者十七人此其最甚者矣萬曆六年論
首輔張居正奪情杖趙用賢沈思孝鄒元標等五人
後定陵頗厭建言諸臣疏多留中廷杖寢不用至天
啟四年太監王體乾奉勅大審復開其端重答戚臣
李承恩以悅魏忠賢於是主事萬燝御史吳裕中相
繼斃杖下而許顯純田爾耕輩煩刑以騁備極慘毒
楊左諸君子之禍有不忍言者矣思陵卽祚雪消見
現用獄稍平不意嘉魚熊公暨萊陽姜公論列柄臣
時日輻輳逆鱗既觸天怒莫回拷掠之慘洵九死而
一生者蓋自柄臣自裁而兩公之荷戈終未見釋姜
公臨歿語其子安節實節曰敬亭吾戍所也戍者吾
君所命吾未聞後命而君亡吾猶罪人也死必埋吾
戍所乃葬宣城公晚歲始為詩風格一本杜陵其自
序云記哀鳴於異鳥感音節於候蟲可謂善於喻物
者矣

搖落用杜韻

旅食頻頻改朱雲冉冉流弱齡辭海岱老眼送江舟袖內三
年字山中五月裘飄零吾已厭何得更高秋

宣州有感

南國遷流日西京喪亂年山城睥睨處水樹隱明邊花墅陳
梁在詩名謝李傳祇今成浩劫未覺盡前賢

薄遊

淮南霜落雁初飛河上菱花菰米肥少壯幾時人已老簡書
猶在客安歸十年往事傷銅馬四海相知盡布衣荷菱秋風
隨意去江邊莫厭舊漁磯

東歸省墓留別吳門親友

身世繇來歎轉蓬汀洲况復滿秋風百年作客鬢眉老千里
還家道路窮北海松楸瞻望裏東吳兒女亂離中笛亭相送
尋常事此別還須努力同

寓宣州作

野浦飛花接石關百年心事北樓間乘舟弄月歌仍哭破帽
單衫往復還莫向此生愁白髮好為吾骨買青山石金戴表
皆名碩弔古臨風淚欲斑

讀胡天仿集因憶過淮有失尋訪悵然而作

颯飽秋風一葉孤草書不暇問潛夫花叢竹徑曾添否水滌
山顛復憶無賓客梁園枚乘宅魚蝦淮甸射陽湖殺青案牒
相傳久好附征鴻寄入吳

廣陵遇嘉禾友感賦

朝罷西華並馬還龔曹昔日此鷓班人留天寶風塵後客在
雷塘雨雪間連歲喪亡哀白馬幾年離別慘朱顏婁東學士
三詞伯身世傷心庾子山

姜垓 三首

垓字如須垓弟崇禎庚辰進士除行人有負營集

張貞半部稿如須先生入行人司署見題名碑載崔
呈秀阮大鍼與魏公大中名先生上言大中忠節
卹之臣不可與奸逆同列請錘除崔阮名上從之及
其兄下詔獄先生晝夜號呼奔走營救得不死國變
後流寓天台號仁石山人莫年與兄共隱鹿洲鶴市
之間論文講學以仁義忠信為旨三吳後學翕然從
風兩先生歿吳人築祠鶴澗上祀之
靜志居詩話如須詩篇溫潤而恂栗
魏禧叔子集公詩沈鬱離憂無媿三百篇之旨

蘭江歲晏雜感

未遇孫登嘯猶工庾信哀殘花三載過歸雁數行來
刀尺寒衣改關樓暮角催妻孥回首地翻恨別天台

雨華菴

隴首涼風起空田野鵲鳴院青深映竹江暗遠浮城八月旅
還滯三山情易生鄉僧出徐充泰岱語分明

江天閣眺覽

別浦凍雲飛不遲稷苗黯黯黍離離雨邊楓樹伍員廟江口
蓼花文相祠騏驎病殘五馬渡鳳凰栖老萬年枝重山縹緲
非京縣日暮高樓有所思

王嗣翰一首

嗣翰字侍臣邵陽人隆武丙戌舉人有六聲亭草延
喜堂集石崖研莊諸稿

沅湘耆舊集侍臣性奇敏尤善臨池長洲徐元歎有
寄邵陵王侍臣詩云土壁昏燈雞再曉夜闌樓色轉
低迷秋來積水無情闕此夕愁君夢畫溪

楓嶺隱居

小築頻年住水涯環山又認是吾家非緣好事開幽徑偶引
餘情拾落花未燬琴書消歲月無多鬢髮老煙霞嶺雲伴我
如相得漫學東門日種瓜

王嗣乾一首

嗣乾字穉潛嗣翰弟隆武丙戌舉人有黃雪園集

沅湘耆舊集穉潛詩雅高老

九日送潘章辰夢白歸武岡

登高已自謝才名詩卷相看氣漸平
乍笑鬢眉同洛社且忘風雨在彭城
河山漫送羣公淚絲竹難陶晚歲情
世事未堪容久住各攜歎息返柴荆

黎延祖 一首

延祖字方回番禺人主事遂球子貢生以蔭除錦衣
僉事有瓜圃小草

秋螢

度水飛將星影亂入林團作野燐愁東家織女無燈火莫惜
餘光過小樓

黎彭祖 一首

彭祖字務光延祖弟貢生有醕曜堂集

將進酒

將進酒進酒當君敘歡悅朝歡盡白日夜歡繼明月人生世
事請莫為金樽有酒斟酌之不見綠髮易為白逝水不復回
歡樂安可辭富貴何時來囊中有錢但沽酒糟如邱吾獨守
醉後還高歌歌闌拔劍重起舞吁嗟酒人留名千古

張若化 一首

若化字雨玉漳浦人崇禎丙子舉人官御史

黃日紀全閩詩雋丹山二張文章宋之二宋清節則
古之二墨及文明之門又濂溪之二程也不以儒學
顯以遺老傳各年八十餘疏食撰述化及盜賊豺虎
相遇不傷豈惟完人亦異人也
東南嶠外詩話雨玉弱冠卽師事黃石齋先生得明
誠之旨及律歷之學官京師時值石齋入詔獄雨玉

改服雜廁役中入獄問視後歸居丹山之中四十年
足迹不履城市年八十八無疾卒

謁黃文明師墓

城郭人民是耶非不堪獨鶴隴頭歸草堂尚有青榕在纜上
空壇淚溼衣

張若仲 一首

若仲字吉友若化弟崇禎庚辰進士官益府長史

全閩詩儁吉友與兄同師黃文明同隱丹山卒年八十四

春寒

待得春深還苦寒碧煙如楮裏峰巒山靈似喜人多病不顧
囊空藥餌難

陳孝威 一首

孝威字興霸臨川人有壺山集三卷

今世說陳興霸喜談兵論劍抵掌天下事酒後耳熱輒罵古偽豪傑不中一文錢
田按興霸弟少遊哭兄詩注云兄上疏擊五虎又詩云間關百死髮猶髟堪著行驄御史貂蓋嘗於永歷時官御史

幕府唱和詞

瀑雨蒼煙罨碧山欲埋姓字海雲間勸君緩覓神仙藥衣白
山人那得聞

陳孝逸 一首

孝逸字少遊孝威弟有癡山集六卷

田按大士先生二子長孝威次孝逸皆能古文守家法少遊詩尤磊砢可傳

金吾較

漢家天子尙規模
虔死如生事事都
龍藏多填掖庭女
鼎湖三分天下租
可憐思寢半坏聚
夜臺疑是冬青樹
影籠殘照落孤塋
百尺蒼虬空鬱翠
誰將奴子侍寂寥
此山豈容標懷字
比聞陵吏忠足傳
棄官宿衛守墳園
幾見舊人來下馬
時聽援鶴唳霜天
千椒猶執金吾仗
狐兔縱橫不可傍
何處黃冠風雨中
一拜一慟一惆悵
老卒誓此畢餘生
會穿穴畔從田橫
孤臣隱死無名字
孝廉爲我書銘旌

戴本孝

四首

本孝字務旃和州人推官重子有鷹阿山樵集

漁洋詩話務旃詩畫皆絕俗在京師一夕聞人談二華之奇晨起卽襍被往遊其與會不羈如此田按鷹阿山樵畫善用乾筆積墨磊砢彌覺葱蔚

泊慈姥磯雪歸陶窳

犀風捲江白飛檣去如矢
雨注空濛中望之失遠邇
慈磯中流眠雲頽曳不起荒
時麥芊芊草春吹欲死拂頰
跋沙涂屐穿印寒趾草堂松
火紅影照歸人喜

中山老嫗

中山田家有老嫗年近八十矣失其姓氏甲申五月聞國難蹈水而死

三百年耕鑿恩深草土間
傾危當暮齒激烈僅孀髮
至性何關學愚忠豈可刪
殺青存信史留簡記中山

安遠侯隸卒

南都破安遠侯柳迎降有一隸卒哭叩之曰世受國

恩此行可緩願侯裁之侯怒叱之者三不及駕而行
卒牽其裾力止侯怒甚手批其頰卒哭隨之至中河
橋大聲曰侯不聽我我死矣投河而死

大忠思一獻不售死何逃身賤心難詘名傳義益高忍爲新
手版辱流舊我猶自此河邊柳薰條向碧濤

長干丙者

長干有丙者曳杖挈瓢且哭且笑行至通濟橋植杖
挂瓢脫屣橋上投河而逝人於其瓢中得一詩云誰
把乾坤忽動搖風吹淮水冷蕭蕭逢人莫訴傷心事
乞丐如何愛此瓢

青天蓋黃土生死太尋常欲乞誰家食甘同故國亡一瓢詩

淚盡雙履跡塵香蒙袂真堪誅斯人豈廟廊

戴移孝

二首

移孝字無忝本孝弟有碧落後人集

擬古

佩莫佩薜蘿薜蘿易枯槁逢莫逢故人故人易衰老故人農
家女新人商家婦新人弄琴瑟故人織流素流素生光華潑
刺比目魚裁爲新人衣顛倒在裙襦新人且莫歡故人何苦
悲新應有故日故當無新時

答人述先君舊事

莫道吳興事酸風刺骨寒相知皆死別無處問平安故鬼千
家哭孤城百戰難當時衣上血今日與誰看

訓子

已入愚公谷甘為鄭子真兒孫猶漢臘雞犬自秦人讀易無
如損遺安一味貧更嫌名累收筆硯不須親

方以智 十三首

以智字密之桐城人巡撫孔炤子崇禎庚辰進士授
檢討國變後為僧名宏智字愚者一字無可別字藥

地有浮山全集

陳子龍忠裕集方子移居金陵有詩數百篇名曰流
寓草皆憂愀感慨之作也然其情怨而不怒其詞整
渾而達其氣激壯而沈實
徐世溥榆墩集密之樂府深厚雄傑出奇不窮古風
淵雅無復浮聲又能備擬歷代兼擅眾長高涼蒼鬱
一振唐風
靜志居詩話先生紛綸五經融會百氏挿三萬軸於
架上羅四七宿於胸中早推許郭之人倫晚結宗雷

之淨社樂府古詩磊落欽崎五律亦無浮響卓然名

家讀畫錄無可大師幼稟異慧生名門少年舉進士自
詩文詞曲聲歌書畫雙鉤填白五木六博以及吹簫
過鼓優俳平話之技無不極其精妙三十歲前備極
繁華甲乙後薙髮受具耽嗜枯寂麤衣糲食惟意興
所適或詩或畫偶一為之多作禪語自喻而已施向
白云子昔同無道人自蒼梧底廬山見其乘輿作畫
多用秃筆不求甚似嘗戲示人曰若猜此何物此正
無道人得處也
無聲詩史密之山水得元人派淡煙點染筆入三昧
柳亭詩話方以智題正學先生祠句十族可憐無姓
字三楊終不是功名為一時傳誦

寄梅朗三

陰雨忽成雪北風吹樹林江流日千里安知遊子心中夜一
何寒自撫雷開琴矚礪山人其當知我心

悉索詩

薄田數百畝連年屬煙塵家僮復乾沒九月不食新句賃謀
稻梁猶欲延鄰賓鄉人故里至一飯飲以醕噉我何鄙吝憐
我何苦辛望君者甚多不但君家親自恨不巨富又恨不赤
貧巨富可結客赤貧可謝人

答長干舊韻似字昭覺岸

高岡謝疏雨獨立自泠泠空數南朝寺休傷東冶亭江流天
外白山洗晉時青木末遊人少松濤不許聽

小東泉卽事

便門小馬慕安豐尊酒胡牀在水東開徑嘗封千樹雨渡人
分送半江風種蘭自不妨高士斑草何須問老翁別墅如雲
堪折屐時聞清嘯上樓中

贈閩中劉薦叔

聞君昨歲出溫麻作客荆吳不顧家萬里風塵憑漏影十年
康慨弔懷沙單衫落葉秋將盡小社城迴菊有花邂逅高談
共尊酒東谿涼月浸蒹葭

送別劉薦叔

遠遊才子著先鞭載筆江湖又十年白眼相逢秋色裏青山
環立酒杯前一時快意難題盡千古銷魂是黯然重詠謫仙
黃鵠白鷺飛挂在落霞邊

告哀詩

守陣神策亂紛營樞密雍容禁請纓東觀士猶朝試閣北衙
軍已夜開城攀髯竟把龍湖痛嚙臂虛傳駱谷行金紫貂蟬

何處哭小臣血伴闕鳥聲

哭卧子

共指西湖靈隱松揮毫刻石記相逢文章自小誇司馬名字
當今比卧龍一死泰山於汝畢再生苗地為人傭悲歌奠酒
沅江水與淚東流到九峯

從江上歸里作

新壘依田田半荒懷歸正月履繁霜暮行有虎邨煙少野宿
無鷄寒夜長但有蓬蒿如昔日卻將桑梓作他鄉城南敗榭
多枯骨愁對北風說戰場

南州行

江岸多垂柳春風春日長美人浣衣處無限雙鴛鴦

酒樓贈燕人

燕客善彈箏悲歌舊有名近來離別易不作斷腸聲

一線天

鋸破崑崙剩漏痕卻開鐵片夾斜門雁湖太姥匡廬客一線

青天請共論

每問

聖主精勤祀典隆四郊遍禮幾年中重修輦道鋪黃土盡撤
街心瓦子篷

桐舊集先生此題詩四十八首其體似王仲初宮詞
所詠多當時儀制如臨雍云舜倫堂上開黃幄祭酒
安然坐講筵郊祀云做漢竹宮遙望拜正陽竿上九
燈籠冬至云複壁更衣通大道陽生冬至造椒湯雷
鼓云重重紙布膠成革人聽工官說尙疑御輦云三
十二人肩大輦版輿節鼓步隨聲朝靴云軟底烏靴

朝上粉御階行處不聞聲樂舞云舞成天下太平字
蜺斗頰圭白打錢賜坐云宮官不具成堂椅有召臨
時賜繡墩稱呼云道長掌科寅不說詞林通號老先
生拜謁云投帖長班無忌諱當朝宰相亦呼名與衛
云三品肩輿開棍列油幢張蓋出京城

方其義 三首

其義字直之以智弟諸生有次公詩集

錢澄之田間集直之天姿警敏為詩文不假思索卽
席數十首援筆立就
詩慰直之為詩英偉抗爽神似古人國變後嘗入斷
事廟所死子往持之然悲憤卒不能解竟以早死

野宿

芳草閨萋萋鄉心逐馬蹏亂雲時聚散流水漫東西歲月銷
烽火江山入鼓鼙壯懷看漸老惆悵此聞鷄

和李舒章燕臺懷古

薊門秋色冷邊關猶憶龍旗漠北還飲馬直教臨瀚海射雕
誰敢過燕山陣前逋寇新王子口外降兵舊朵顏側席祇今
勞聖主諸臣何以策時艱

懷范小范

堂前白髮近何如菽麥離離好荷鋤貧賤祇求能避世澄清
莫漫說登車已換歲月供漁艇豈料江關遍羽書風冷漳湖
飛雁少思君夢裏寄雙魚

王光承 二首

光承字玠右上海人有鎌山草堂詩集

居易錄子嘗有齋中三詠王玠右草書云逃名東海
上時復帶經鋤自是高人筆非關餓隸書王與徐昭
法金孝章皆吳中高士也
松風遺韻光承福王時被徵知時不可為佯墮驢傷

足歸與弟烈借隱石筍里屏迹城市以終
田按玠右詠史詩當是紀弘光時事也

詠史二首

南國花光上紫霄芙蓉水殿白雲遙
貢琛使者新乘傳按舞中官舊賜貂
千斛葡萄浮夜月六宮簫鼓動春潮
君王不信毛延壽親駕朱龍選孟姚
曲部新歌夜未闌天街風色似長安
衮衣甲第頻開墅錦纜春光議築壇
三輔軍聲雲外迴六朝山色雨中寒
旄頭夜夜明如月多少愁人倚戶看

王烈一首

烈字名世光承弟

秋日家兄移居

樽前執手淚霑衣蘆荻蕭蕭木葉稀
卻恨不如湘浦雁江南江北一行飛

梁以枏二首

以枏字仲木錦衣衛籍大興人有澹軒遺詩

今世說梁仲木任俠仗義博覽洽聞與弟以樟並有高名江淮人士皆宗之

過龍湫古剎

尋源經此地萬象起秋陰
一水開龍藏三天下梵音蟲魚驅
浩劫燈火集疏林無著譚經處
懸知般若深

湖上贈朱孺留

艱難百戰日冰戍古黃河入眼遺黎少
連天火哨多饑鳥嘯壞沘荒堞枕殘戈
與子傳呼急仍看羽檄過

梁以樟 九首

以樟字公狄以枏弟崇禎庚辰進士授商邱知縣有

印否集

喬萊石林集 國家定鼎燕京數召用勝國諸臣以
樟年纔三十七名傾海內姊夫王文貞父子官津要
頻致書勸駕不應買免避田數十畝棲遁於蒼涼煙
水之鄉嘗自比宋之謝臬羽鄭所南亦無愧也
今世說梁公狄初與豫章王子一交兩人論詩每篇
成不即示草率相攜至荒臺古寺車馬不經處始出
詩共讀狂呼驚拜或至慟哭而後返

安東道中

黃雲橫百里落日大河隄謠俗分南北江山割楚齊人家蠶
月近海微鹵煙低膏雨勞田畷僦僦服犢犁

送王于一移家秦郵

雨雪關河路誰驅妻子行百年猶念亂吾道此孤鳴草木荒
中壘江山老步兵蒼茫鏡湖水莫辨鼓搗聲

西湖雜興

尺幅西陵地偏增旅話長暮笳鳴戍火曉角動星芒馬飲殘
湖水螢飛故苑牆只餘圖畫裏孤笠弔斜陽

登韜光菴

四山青欲下眾樹密難名時有竹光入遠聞泉水聲巖扞石
子落猿挂翠微行對境忘言說玄情去復生

渡淮至泗上

曾溯荆塗口長淮動地來萬山龍氣合一水霸圖開賈客爭
魚麥周行鞠草萊艱難思過沛重上大風臺

送高二亮歸平州

汝歸觀碣石雲海正蒼茫天地尚雄畧王孫幾夕陽白頭羞
莒飯黃葉夢樓桑吾道方行旅無為歧路傷

別攝山瞿大師

蕭然孤衲影高意滿松門山曙羣青合林空一鳥喧世緣谿
水淡道味芋苗存不負靈源意重尋古德論

白田雜詩

吳歛楚舞雜羌歌翠靨紅顏駕橐駝一曲琵琶萬行淚朔風
吹夢度交河

邗上逢舊歌者

內家檀板幾人存凝碧池頭暮雨繁莫唱開元供奉曲臺城

煙柳自黃昏

姜安節 二首

安節字勉中萊陽人給事中採子有永思堂詩鈔

宛雅安節之父採抗疏劾首輔廷杖謫戍宣州未及
赴而國變卒于吳門遺命歸骨戍所以無忘故君之
命安節扶柩葬敬亭移家廬墓遂為宣城人又而父
生前遺齒歸瘞萊陽先隴復從萊陽移母櫬來敬亭
與父同邱別兆葬焉暮年多病猶歲時依墓側風雨
不暫離常囑其子曰死必埋我於二親之旁卒同人
私諡曰孝明

渡江遙憶金陵所知

豆花雨小江水寒旅客早發揚子灣兩岸菰蘆何寂寞青山
一望多辛酸遙向南中憶諸子往來只在青山裏簪帽草蓑
任去留相思颯遶秋雲起

依吳晴巖滿聽樓詩韻奉贈梅東渚

東渚精廬就題詩一寄君兼葭懷十載風雨悵離羣贈客多

紅豆怡人有白雲何時蠟雙屐把酒挹清芬

姜實節 四首

實節字學在安節弟

今世說學在少不事舉子業獨習為五七言詩善鑒別書畫及周秦以來器物僑寓吳門所居位置清潔日邀諸名士賦詩飲酒出其所蓄書畫器物摩挲賞玩移日抵掌不倦張雲章樸菴集仲子所居曰藝圃清流演漾古木叢茂隔岸巖石列峙狀若層嶺蓋相國文文肅公之故居所謂清瑤嶼者也仲子以攻詩工畫聞於吳中求仲子之畫必得其題句以為重雖不識仲子者見其畫與詩必得其世獨立不讓古之遺民焉畫徵續錄學在工詩善書畫山水撫法雲林涉筆超雋為時所重晚年建二姜先生祠於虎邱又築諫草樓於祠後為棲息所足不入城市人稱鶴澗先生

芮玉權招飲同章頴叔諸子即席分賦

選石支茶竈留賓啟竹關繞籬雙澗水對酒一樓山屋小疑
僧住林空羨鳥還買田吾有意終傍二溪間

即事寄吳門知交

相思不可道日暮更登臺樹影當窗合溪流抱郭來停杯山
雨到打鼓客船開獨有忘機鳥飛鳴去復回

程汝諧移居

斟酌橋邊市花園巷裏居石牆低見屋山溜暗通渠有客攜
詩卷從親奉板輿此中多勝境應不羨華裾

題黃鶴山樵聽雨樓卷

湖天過雨水冥冥吹綠東風草一汀絕似銅坑橋上望遠山

如髮向人青

張可仕 一首

可仕字文峙以字行自稱紫淀老人應天人都督可

大弟有落葉哀蟬集願不願集編年稿擊磬集

帝里明代人文畧張逸名文峙七歲能讀楚詞為諸生務為根柢有用之學南大司馬范公景文詢以江防策文峙臚陳古今方畧撰南樞志一百七十卷虞山太史為之傳曰文峙慷慨有大志孤行側出歌石爛而憂天墜非時人所知也家鍾山之陽塾巾壤服往來橫霞雨花間出無童入無廬冬無裘夏無葛衰不杖病不藥行忘之遊忘返行吟野哭嘻嘻咄咄癸巳冬積雪拒門擁衣寒餓詠雪滿山中之句賦詩四章歲暮懷友十六章踰年病死所著紫淀老人編年稿五十卷選宋元詩十卷明布衣詩百卷沒後皆失散猶子瑤星作遺書歎以傷之

憶舊

門掩寒雲溼數重深嵐一徑掃花封草堂終古通仙驛蓮漏
何心答暮鐘鸚鵡夢殘人得句芙蓉香冷月當胸半編黃鶴
騎雲讀卜宅依然七十峯

張可度 二首

可度字二巖可仕弟自稱罽笈老人有鴻雪草墨莊

罽笈道人詩集

池北偶談張可度楚人家金陵好佞佛一食清齋道然終日見文峙能詩與歸安茅元儀善茅死有姬楊宛以才色稱戚畹田宏遇欲得之以千金壽文峙求喻意文峙絕不與通范文貞公禮為上客公殉國文峙設位兩花臺為哭文

廬山雜詩

父居黃閣女崆峒流水桃花石室中多少男兒淪落盡神仙

卻讓李騰空

題盛林玉空山冒雨圖

孤舟傍岸借煙霞松裏藤蘿映月華曉起不知風雨冷南村
有客伴尋花

嚴調御

二首

調御字印持餘杭人與弟武順敕齊名有三嚴作朋
集

黎遂球蓮鬢閣集印持先生與聞子將為小築社四方文人多裹糧數千里至不則亦載書而馳數十年來所為公卿宰輔當塗要津先生固嘗拍肩相友及兒子呼之而先生經術宏辭淵然內足乃獨以諸生老先生善書於顏得其深於蘇米得其瀟灑又善琴為詩悲感慷慨述時事憂危之狀類多似杜而其間逸自得不為物遷之旨則神情韻況又皆似陶田按三嚴性情樸野詩句率真生當末季朝局水火

寇盜縱橫讀其詩有世外桃源之樂

病思菟道心和先生餉及率爾賦謝

余生愛茹草蕁菟得其真年衰胃寒薄猶覺菟味真城中多
廣秧麤澀煮不馴往寓有隙地勸奴糞慨頻柔苗類稚子初
猶恃嬌憐撫視意有餘濯濯皆挺身朝翦畏雨漬創合喜雨
新一摘飽數客上鼻肥香津清腴蕁為師菘韭皆稱民今來
慧日峯故畦成荒屯鄰畦菟常滿老饕未沾唇邵父知我饑
晨餉類束薪嫩欺春盤菜綠失雨後筠伊余方卧疾對食雙
眉鬢付奴慎細煮料理鹽豉勻入口沁心脾此情高秋旻老
翁區區意俗故未可論

秋來歎

夕鳥向山雙滅沒空煙處渺然萬古心羈栖尙延伫

嚴武順二首

武順字忍公

答無敕弟示補兒就傅詩次韻

舐犢癡情似老牛塗鴉甯遽慰余愁遺書滿架何時讀好句
高軒未解酬小學也憐兒輩及衰年倍昔歲華流與君應憶
同堂事此日閒宜共一邱

古秋堂卽事

庭樹風摧半已焚寄生猶見昔年人身經老賤惟知退世值
荒艱益耐貧加飯肯分迎客犬折腰羞拾落巢薪衰窮亦有
閑持勵敢恃清權恣隱淪

嚴敕五首

敕字無敕

遺病走筆和韻答忍兄

債與歲俱迫病隨閑有餘清時甘自負白業肯教疏拙劣渾
多句窮奇猶剩書何時共瀟酒同駕鹿門車

十一月十七日伯仲兩兄偕子姪輩自村居之武康期

卽來夜候不至遺懷

缺月來亦晏扁舟胡遲行寒宵耐深坐一水動遠情笑語可
不隔相思殊未平徘徊茅屋下霜色已三更

大兄寄示憩別許菴詩次韻

一生除學道盡屬夢難憑小歇分禪榻高談折老僧傷心呈

古壁茶眼沸炊藤豈以家無憚依依方外朋

家居書懷寄兩兄山中

東書閣筆費躊躇婦病厭厭僕又痛一室關春麤自遣空囊
需酒強誰沾風傳鳥語山情近雨逼詩愁花事徂此日西湖
好兄弟煙波雲樹夢中俱

和忍兄督釀用原韻

水色同眼碧秫光耀雪明俄聞妙音裏怒發松風聲

明詩紀事

貴陽陳田輯

辛籤

黃學謙 五首

學謙字又謙一字天益善化人天啟辛酉副榜除樂

昌教諭遷興平知縣有紫巖集照杯亭遺草

沅湘耆舊集又謙晚遭世亂出入山谷榛莽間棲窟
無定所遺草凡八卷其曰登甲餘言焚餘草大抵多
亂離中作冲和平澹絕少噍殺之音兼精書法晚病
痺右手廢以左手作小楷行草更適逸有致

酌別昌江諸子

瓢落吾何用蹉跎付積薪獨憐萍梗聚五見荔支新山水娛
遊子文章愧古人清貧無不可黑髮白綸巾

清遠峽

鳥道枕長河藍輿渡薛羅野蜂巢廢堠饑雀啄枯禾村市炊
煙少山城瘴雨多青楓丹欲盡客鬢近如何

別林工宰

日落大湖濱扁舟一問津山川舊遊地風雨獨行人枹鼓村
墟急徵求澤國貧荒年兼薄俗日髮尙謀身

別沈茂陵南還入都有約重遊

邱壑吾將老肝腸君可憐書籤聊假日藥裏動經年世路艱
虞裏交情涕淚邊長途春草綠臨別卻懷然

秋思

南國微霜冷菱荷洞庭木落水生波湘靈月下怨瑤瑟山鬼

風前衣女蘿青鳥飛飛空碧海黃姑眇眇隔銀河流雲一夕
生涼翠欲採蘋花奈晚何

吳馴一首

馴字

新會人天啟辛酉舉人

村居

園林綠水簇琅玕夜色蕭蕭滿石闌睡足暑銷楠癭几髮疏
涼到竹皮冠短筇長鑿閒生計老菊衰蘭舊歲寒日日雞豚
賽村社酒杯常得小團圓

一作張萱詩

文震孟

一首

震孟字文起長州人待詔徵明曾孫天啟壬戌第一
人及第授修撰以言事貶秩調外斥爲民崇禎初起

侍讀歷中允諭德庶子少詹事擢禮部侍郎兼東閣大學士參預政務尋落職閒住卒詔復故官贈禮部

尚書福王時追謚文肅有藥圃詩彙

徐枋居易堂集又公每侍講列皇嘗目迎而送之講筵多忌諱置春秋弗講時上命輔臣選春秋專經者進講首輔溫體仁故以春秋起家而講臣中則公以春秋名天下烏程忭幾見阮久之始進講至宰西歸贈凶禮當缺上命補膺公乃言啗以六卿之長而壞法亂紀自王朝始焉用彼相鳥程銜之既入相以公爭言官許譽卿不當削即露章入告詆公為指斥以次輔何公吾騶持正不傳遂并斥之柄鑿一言并罷兩相即擅政如分宜江陵未之有也棗林雜俎經筵對御案設几列講章其上講官易為口直講從御案傍敷陳即自撰講章也蓋講章先期呈閣臣閱定中書舍人錄置御前往往時講官第闡本義未規數語不繁引也崇禎時好衍時事輒千百言如豫章禮部右侍郎羅喻義講尚書布昭聖武泛引國朝三大營志烏程屢刪之不受忤去錢蹇菴曰講官致規不過篇末今累牘連章烏程坐是與詞林不

協予所見講官文甚持倪鴻寶學問該洽聲容閑雅真其選也姚孟嘗次之姜箴勝有儀度其學不逮姜燕及氣粗許石門語冗

題漱松堂

禪關窈窕鎖煙霞時有松風漱齒牙翠蓋亭亭懸物外清陰密密蔭溪涯濤聲入戶偏隨枕香粉沾衣是雨花茂苑於今成鹿苑何妨竟日演三車

田家

土牆茅屋幽棲修竹疏花滿隄彭澤人來送酒山陰客過留

題

陳仁錫一首

仁錫字明卿長洲人天啟壬戌第二人及第授編修

以忤魏忠賢削籍歸崇禎改元復故官歷中允論德
拜南國子祭酒福王時贈詹事諡文莊有無夢園集

四十卷

百城煙水無夢園陳太史芝臺別墅其自署齋聯云
流水之間心自得浮雲以外夢俱無中有息浪見龍
峰諸勝
靜志居詩話吳中甲第之盛前數嘉靖壬戌申文定
王文肅同郡人後則天啟壬戌文肅陳文莊同縣
人兩公皆老於公車晚始登第文莊以不肯撰魏璫
鐵券文落職可謂不負科名

贈袁重其

孝哉袁子弱冠形癯室既如罄甕亦無儲以硯作田以管作
鋤朝種暮割一米一珠背負手炊時慰倚閭歲宴相過雪滿
吾廬豈惜呵凍喜爲爾書

蔣德璟 二首

德璟字若柳一字八公晉江人天啟壬戌進士選庶

吉士授編修歷侍講諭德庶子少詹拜禮部侍郎進

本部尚書兼東閣大學士參預機務加太子少保甲

申三月忤帝意辭朝移寓外城亡去福王時召入閣

固辭唐王立再召以足疾辭歸病卒有敬日草二卷

漳浦集僕始創爲詩篇法大則十餘小則數首以錯
綜事物酌於情理今古之間其流連風月泛濫觴綵
者概不得與惟吾鄉蔣八公獨信其說此道關才關
識才識又生於學而嚴滄浪以爲詩有別才非關學
也此眞替說以欺誑天下後生歸於白戰打油釘鉸
而已八公云必欲登峰造巔刑皮抉髓則人不數章
章不數句安得盡如烝民大東而後得其正變乎僕
亦深以爲然
東南嶠外詩話公於國計最精凡九邊十六鎮兵食
之數及屯鹽民運漕糧馬價無不了然於胸吾鄉先

哲自馬恭敏外未見其匹而朱竹垞但稱其典禮治
歷條奏詳明此與周延儒薦公文章華贍何異亦淺
之乎知公者矣
十五國風高言集董蒼水曰爲詩者雕繪不難而難
於自然自然之中雋味出焉此先生之詩乎

舟過海珠

初日浮波似鏡中捲簾樹色繞珠宮
僊人鮑葛知何在應在
菖蒲碧澗東

雷州上元竹枝詞

花期常似春三月海錯未輸值一錢
十斛板榔田萬頃經來
陸地作神仙

郭都賢一首

都賢字天門益陽人天啟壬戌進士除行人遷吏部

主事歷員外郎中出爲四川參議遷江西副使以右
僉都御史巡撫江西福王時拜南京操江桂王立以
兵部尙書召俱不赴入國朝削髮爲僧號頑石又號
些庵以詩累死江陵承天寺有衡嶽集止庵集湘恨

秋聲吟等集

陶汝夙謁玉堂集些於以故老流離睽懷宗社所作
詩文居然得九歌之遺
沉湘春舊集先生負經世才思匡屯難及遭時多故
知事不可爲銷聲晦迹至於祝髮空門流離轉徙客
死荒寺故國之戚一飯不忘遠則鄭憶翁謝舉羽近
則蘖庵青原晦山大錯諸公心事一轍先生詩雄篇
鉅章往往凌厲一世口成音間乏蕙藉倪文正公
所云愛他風骨耐他相良非虛語

錦湖早發

曉月樹猶白放舟身與輕日長添午夢蘆暗東江聲雲影天

辛筆卷十八
在水郵籤浪是程錦湖深幾許得似送余情

文安之一首

安之字汝止夷陵人天啟壬戌進士改庶吉士授檢討遷南司業就遷祭酒削籍歸福王時起詹事唐王立召拜禮部尚書皆不赴桂王立拜東閣大學士加太子太保兼吏兵二部尚書總督川湖諸處軍務爲孫可望所阨桂王入緬甸鬱鬱而卒有鐵菴集

山居漫興

斜陽倒影上莓苔烏鳥相呼客未來怪石但逢閒處有好花
剛揀勝時開關山曉角猶悲壯鞏洛名城半草萊欲寄牢騷
愁鹵莽暗中搗鼓作輕雷

馮元颺一首

元颺字爾敬慈溪人天啟壬戌進士除澄海知縣改揭揚擢戶科給事中歷禮科刑科遷太常少卿歷南太僕卿通政使召拜兵部侍郎進尚書

首善書院感舊作

維貞皇帝神授符詔出明光徵大儒有臣元標首應詔誰竝
進者臣從吾一時諸儒相繼入王道蕩蕩民所趨貞皇雖逝
嗣皇少譬之日出時未晡諸儒請可睹上治力崇正學開榛
蕪請爲天子建書院揭以首善天之衢漢唐宋代何足數升
堂入室泗與洙當使亂臣賊子懼如陸有軌水有桴豈無膺
鼎相錯列能由是路亦吾徒越歲壬戌策進士臣颺蒙與諸

臣俱二十為學志方壯晨起盥漱遵修塗少焉諸儒次第入
鳴鐘擊鼓聲鐔于衣冠肅對寂未語森若披古賢聖徒儒者
甯盡闕世務憂天往往多訐謨乃知名教自足樂照耀萬古
焉可誣彼譖人者亦太甚曰宋之敗由程朱封疆在今多事
日褒衣博帶何其迂輔臣向高為此懼手自伏疏陳青蒲誰
為此言告陛下當付之吏法當誅天子寬仁置勿問忍見白
日舞妖狐嗚呼諸儒死不恨宣尼粟主誠何辜乙丙之際不
可說故老欲哭徒嗟吁丁卯八月聖人出讒者慄慄憂頭顱
臣颺再入問書院門外細草翔嗁鳥聖人豈不重經術時危
未暇陳蒼珣竊見京師富苑室口語以唄拜以膜亦有高閣
祀天主譚兵治歷喧齟壺獨使書院屏勿事臣颺敢復惜微

軀卿雲縵縵天子都諸儒靈爽應未徂大道經天終有孚幸

甚為念臣區區

此詩從詩綜改本

劉侗帝京景物略都門講學始首善書院起天啟二
年十一月閏月二十至天啟四年六月罷講罷逐主
講者都察院都御史吉水鄒先生元標副都御史三
原馮先生從吾兩先生萬歷初各以建言予杖去里
居講學四十年泰昌初徵入京尋總副臺憲公暇輒
會講城隍廟百子堂自紳衿氓隸聽者數百人始議
建書院宣武門內城不御史周公宗建董之講堂三
楹後堂三楹供先聖陳經史典律院碑一大學士葉
公向高文禮部尚書董公其昌書也講未幾崔魏盛
黨禍深御史倪文煥等誣為偽學斥逐請碎其碑有
疏曰聚不三不四之人說不痛不癢之話作不深不
淺之揖噉不令不熱之餅乃碎碑暴其石於門外毀
先聖主焚棄經史典律於堂中院且折矣會今上改
元倪等伏法院遂以存後禮部尚書徐公光啟率西
洋人湯如望等借院修曆署曰歷局
靜志居詩話徐宮保光啟借院修歷久之西洋人踞
其中更為天主堂至今不改馮公是詩毋忝詩史

蕭士瑋 五首

士瑋字伯玉吉安泰和人天啟壬戌進士除行人謫
光祿典簿遷南大理評事就遷禮部主事改吏部歷
員外郎中福王府遷光祿少卿拜太常卿移疾歸有

春浮園集

有學集伯玉詩體氣清拔取法涪州今體偶然與放翁合
李元鼎石園集伯玉惜墨如金未嘗輒下一字以故著述精而不博
田按伯玉論詩取律細格老故不輕落筆力矯王李之弊時入尖新與公安同趣其獨到之處瘦削清冷儼然宋人佳境

贈蘊公

亦習毘尼戒偏饒物外情攢眉入白社沽酒破愁城疏柳低

殘月流螢照定僧焚香深夜坐靜對長靈明

初夏幽居

爲愛松風偶結廬日長山靜閉門初柳眠水滿低過舫梅潤
天陰浸及書竹聘夫人沾體滑葛裁野老稱身如雨餘土溽
肥新甲荷鋪相隨小摘蔬

園居 二首

偶然謫墮向人間博得清閒任福慳輒飽經行時宴坐醉餘
睡起一登山壯心無賴隨年減幽事相關到老頑茆屋數椽
深竹裏湖光澹岩樹灣環

南湖遙與北菴連纔下籃輿便上船得計學閒先學懶無才
爲鬼可爲仙因精茗事泉能細誤翦鄰樊山放全歸晚斷橋

逢野衲清言共爾亦妨禪

蕭齋讀楞伽

翳然水木湛清華高竒蕭條處士家課罷楞伽無個事間窗

小立嗅梅花

金肇元一首

肇元字木公一字司杓東陽人天啟壬戌進士除徽

州推官入為工部主事改兵部遷員外郎出為江西

參議進副使遷福建參政有陽春館集

遊水竹鳴

秋光出郭好此地有叢林陟岫雲生足穿松翠染襟茅龕天

竺佛梵唄海潮音蒼靄知留客氤氲谷口深

倪嘉慶一首

嘉慶字篤之江甯人天啟壬戌進士除戶部主事遷

員外以事繫獄放歸起吏部員外遷戶科給事中甲

申後為僧名函潛又名大然字笑峰有靈潭集

靜志居詩話倪公治賦之才崇禎戊辰在樞部上言
國計不敷出歲額缺至二百三十餘萬何以支持
其言雖若指掌假令思陵此時聽公之言綢繆區畫
則後此雖有水旱盜賊尚可緩於危亡而惜乎不見
納也既而兵科給事中劉徽疏請裁驛遞有旨裁十
之三省郵傳銀六十萬公獨昌言曰驛遞之設貧民
不能自食者賴之裁之太過將鋌而走險此盜生之
源也俄而李自成果以驛卒被裁走入高迎祥隊中
後遂以亡明朝野咸服公慮之遠云

遠客

淒風吹遠客極目盡蕭森山閣含秋氣江城起暮陰天晴空

翠隱日薄瘦寒侵漫把他時淚孤舟繫此心

黃宗昌 二首

宗昌字長倩卽墨人天啟壬戌進士除雄縣知縣改

清苑徵授山西道御史有恒山游草於斯堂集

全楚臣憩寒汀館中見鍛羽雁賦詩傷之

雲中自可羨離下亦無妨物化齊溟滓鱗潛等羽翔甯須假

六翮刷羽凌八荒所以蜩與鸞欣然搶榆枋

故園

新葺茅齋木板扉尋常高卧到斜暉遙憐舊植青桐樹久貯

清陰待我歸

喬可聘 一首

可聘字君徵一字聖任寶應人天啟壬戌進士除中

書舍人遷河南道御史有醉陶齋詩

生日

病骨殘生付冷煙掩扉蕭寂子雲玄山中日月無心記開到

黃花又一年

何萬化 一首

萬化字宗元上海人天啟壬戌進士授南兵部主事

歷員外郎中改禮部出爲福建副使進參政擢廣東

按察使不赴

靜志居詩話宗元仕閩爲制府畫策平劉香入楚同諸君協力擒張普薇是亦開濟之才不徒以雕象見長者

遊玉華洞

奇物有萬族誰羅一穴中造化作兒戲巨靈殫鬼工赤松厭
雕刻白鶴返洪濛千載此人去寥寥洞府空

梁元柱 一首

元柱字仲玉廣州順德人天啟壬戌進士選庶吉士
改陝西道御史以劾魏忠賢削職崇禎初起福建道
御史以憂歸起陝西參議未上卒有偶然堂集

送人從軍榆關

少年負俠骨悲歌志不平偶探黃石卷欲赴白登城錦瑟壚
頭醉雕戈馬上橫功成報天子當作魯書生

姚孫槩 一首

孫槩字心甫桐城人天啟壬戌進士除龍遊知縣改
晉江擢江西道御史謫上林典簿遷吏部主事歷員
外郎中出爲福建 改尙寶卿有石嶺集

車中漫紀

稍覺霜威解郊原靜不風平蕪嘶倦馬古戍掠征鴻帆影寒
流外人煙落照中徐滕雖異壤艱食恐相同

齊心孝 一首

心孝字君求桐城人天啟壬戌進士選庶吉士授編
修

宿益堂

閒邀明月過仙家網戶沈沈暗碧紗去日濃陰渾不改可憐

新發斷腸花

王鳴玉 一首

鳴玉字六瑞竟陵人天啟壬戌進士歷給事中出為

陝西參政有環草

韋公寺

左安門外繞長汀畏友頻邀過水亭一片塵羞溪面照十分
酒入客脾醒荷含秋意多相向蟬作鄉音乍可聽花落燈殘
鐘定後今宵旅夢各惺惺

秦壩 五首

壩字器新無錫人天啟壬戌進士除澤州知州改福甯
甯擢戶部員外有靜遠堂集

栖隱園十景 錄五

溪上架層樓登樓遊畫裏陰晴朝暮閒與山俱卧起

溪山樓

曲曲疏籬轉寒林別有春孤吟時索笑不見詠花人

香雪林

日日對青山青山看不足東風何處來又皺平疇綠

青未了閣

名取鄴生注山川若綺分登臺欲有望青山多白雲

綺望臺

繞廬碧一灣灌纓者誰子望望青山近桃花自流水

瀟碧廊

黃景昉 五首

景昉字太樨晉江人天啟乙丑進士改庶吉士授編

修歷中允諭德庶子少詹進詹事擢禮部尚書兼東

閣大學士參預機務加太子少保改戶部尚書進文

淵閣大學士引歸唐王時起原官復告歸國變後家

居十餘年卒有甌安館集三十卷

國史唯疑文皇求張三半愈切而張愈固自匿學道
宜秉宿根秦皇漢武空褻裳儒足况別有所假借求
之乎即復參嶺輝煌何足動神仙一盼子嘗過之詩
云金碧翻初願龍池動殺機當年方外客也護首陽
薇頗自淡中
十五國風高言集田髯淵日東厓先生詩取境不一
軌選材并可以原曾讀其戊子六月五日紀事詩後之
尚論者詩話相君務去陳言專尚新警其近體尤雕
繪如侍楚王宴云隆準衣冠高帝後夥頤宮闕大江
濱登太和絕頂云天野星躔包兩戒國朝嶽瀆視三
公南臺燕集云仙家闔苑琉璃浦禹貢揚州篠簜田
贈友云少從魯國稱男子家近茅山得異人壽樊叟
云公餘穉子燒松液酒半材官舞蔗竿集北郭草堂
賦遊梁上苑伏生書重漢西京寄友云以吾一日長
乎爾如此三星祭者何要不作沿襲語
龍性堂詩話東厓先生當革代時有感限韻詩八十
二首中如有淚銅人甘戀漢無情玉馬苦朝周疊尊
醉益看花感絃管淒增落葉哀元亮詩成題甲子伯

仁宴罷泣山河春去尚憐望帝魄信來誰答子卿書
雁橫塞北昭君恨花發江南庾信哀嘯鳥也知亡國
恨汗牛空信古人書達官虛負白馬恨狂客實含朱
鳥哀枯魚此日將書至旅雁何年繫帛回哀聲險韻
不堪多讀
和敬堂集追維辛巳壬午時沸如蜩蟬天子疑於上
黨與成乎下溫陵二相同日入政府當遇巷之時正
人獲罪如石齋公禍幾難測東厓先生經筵申救必
霽而後已於是自安不旋踵謝歸所留連往復於
本朝之故一切顧甚惜不詞寸牘中名曰國史唯疑
其文約其旨該高足弟也滄桑之後雲客以授林
客氏雲客公之同家先授鄭公允幾亭及予於授林
同人吉人兄弟四人又授鄭公允幾亭及予於授林
山始有鈔本凡四家聲名轉大憂方始文網多繁夢
安館累晨夕貽詩有聲名對客之恨焉韜光以來更歷
未安之語蓋猶有疊山對客之恨焉韜光以來更歷
二十餘載山川如故夢若隔塵手捧遺編撫膺洒涕
榕城詩話晉江黃太穉景昉天啟進士後登槐鼎著
有甌安館詩及鹿鳩詠其自序云徒以身叨禁從出
言有章意欲謝酌情文謬附於昔人和合朝野之誼
此言可以為館閣言詩之法
田按太穉博通當代掌故所著國史唯疑持論具有

條理爰立如此可謂得人乃不久而罷思陵之不足
與有爲可知矣歐安館詩取法晚唐輕俊鮮妍於閩
人成派別開生面

題李孝伯花隱別業

巷避車窮處誰期宛委通入門驚竹翠隨地見花紅白壁邗
關使青樽綺里翁酒行觴政肅知未損家風

立秋日同傅子初王何稱林爲盤郭闍生穿蓮東湖分
得蓮字

曲水旁城好放顛荷香十里葉田田爲驚鳥夢停歌扇故拂
花鬢落酒船詩思清如秋乍起湖光雅與客相憐紅裙白紵
尋常唱我愛峯頭玉井蓮

武林宿昭慶寺

宋家宮殿佛爲壇廊下波斯十字欄薄暮青絲邀客醉重湖
白紵映人寒暑逢再閏涼非遠歸及中途夢未安仍被信來
催轡發許多幽壑不曾看

同李曉湘給諫過郭仲常吉士宅分賦

閩山潮海未殊鄉客坐深杯況夜長莫怪市聲催簞策同將
風景憶檳榔吹笙縵嶺神仙相烙馬黃門羽獵裝君自投鱗
稱絕技滑稽誰更似東方

邢州詢李于鱗先生遺蹟

先朝西署盛風流白雪縱橫不待秋三輔年年驅五馬只今
人說李邢州

何楷一首

楷字元子漳州鎮海衛人天啟乙丑進士崇禎初授

戶部主事歷員外改刑科給事中屢遷工科都給事

中以劾楊嗣昌忤旨左遷南國子監丞福王時擢戶

部侍郎唐王立進戶部尙書

田按元子立朝嶽嶽懷方尤邃於經學惜詩不多見

吳門與諸子夜集賦呈辟疆社兄

乘槎渾未倦載酒喜相過立探圖前易情生別後歌雨聲侵
棹冷香燼拂杯多積想聊堪豁分襟復奈何

孫晉一首

晉字明卿桐城人天啟乙丑進士除將樂知縣擢給

事中歷大理卿以總督宣大有黃山遊草

再宿南陽

二月水漫漫無端春色闌深杯嫌夜短久客怯衣單未見干
戈滿誰知道路難憂時多少淚不敢向人彈

熊開元一首

開元字立年嘉魚人天啟乙丑進士除崇明知縣改

吳江徵授吏科給事中貶二秩調外起山西按察司

照磨歷光祿監事遷行人司副以言事廷杖削籍遣

戍福王時起吏科給事中不赴唐王立起工科給事

中擢太常卿左僉都御史隨征東閣大學士汀州破

棄家爲僧名正志字檠菴有華山紀勝集

靜志居詩話魚山欲劾宜興適思陵許奏事於弘政門召對及入見宜興侍側因言軍事而出既而召見

德政殿輔臣亦入乃言曰易傳有云君不密則失臣
臣不密則失身臣所云願輔臣暫退思陵諭曰輔臣
管密勿能開元前所奏卿等皆與聞可以不退是日
不敢盡言思陵命草疏入仍有茶果餅餌之賜迨疏
入遂被收思陵怒且不測矣會姜公如農疏有皇上
何所見而云然乎等語怒益甚兩公受杖之苦用刑
之慘其不死者幸也爰書既上思陵一曰讒譖輔弼
再曰讒譖陰狡三曰謗毀肆人皆疑思陵曲護宜
與獨尹樞部宣子謂思陵時已悲宜與命魚山具疏
者度必列款欲據之便接問及見疏乃曰如此不痛
不癢思兩邊做好人邪蓋實怒其不力參而反以誹
謗大臣為罪非思陵本意也斯言得之

吳門與金正希夜哭

碧血何曾灑丹心不可破誰人呼馬角與子泣龍髯半壁留
吳越羣奸布網箱吾將披髮去長向海山潛

陸澄原一首

澄原字嗣端平湖人天啟乙丑進士除工部主事遷

員外謫順天照磨歷大理寺副遷兵部員外被察聞

住有芝房集

橋李詩繫嗣端為詩秀逸尖新雕香刻翠有佻宕自喜之致

寄王修微

女兒溪淺亦生紋巾子峰低也出雲水定山空何處所合歡
花底拜茅君

郭紹儀一首

紹儀字汾仲一字丹葵平湖人天啟乙丑進士除當
塗知縣擢南湖廣道御史有青蒲草

擬郭弘農遊仙詩

弱齡寡塵累燕想出殊廷手翦碧桐葉好寫鳥跡經束髮理

冠劍歎息勞我形每思凌景風駕彼朱鶴翎玉妃名婉羅翡翠列雲屏贈我刻竹杖飲我瓊綠醪養生不愛道毋乃非仙靈

陸錫明一首

錫明字幼輿平湖人天啟乙丑進士除工部主事遷員外出爲常州知府改徽州遷江西副使

郡齋坐雪

招飲今堪詠吾將問澤蘭美人不知處蕭瑟耐春寒風杆春雲腳花鬢碾月圓翻疑山郡裏僵卧似袁安

劉在朝六首

在朝字廣乘監利人天啟乙丑進士除福清知縣徵

授戶部主事歷員外郎中出爲易州兵備副使有蘭

心堂喚蛭齋等集

田按廣乘詩取意幽婉雖爲鍾譚所染亦彼法之錚錚者

聞雞有懷

鐘澀知霜滿雞頻省曙分人天開夜旦佛業現聲聞落葉掃殘夢寒衾思早曉不知湖上覺猶戀幾峯雲

客去

客去自成睡村幽天屢陰湖風吹夢闊茅屋受秋深裝薄居頻換衣單寒轉侵故人在天末槭槭想遙音

村居風雪畏齋先生老病遠顧留宿祇園賦贈

茆屋雨聲近中宵風更號愁君同瘦鶴無友贈綈袍梵唄了

今夕瘖薄雅騷蕭然禪榻畔塵夢付霜毫
花朝日有感

花事負朝旭那因典舊衫柳風春不度浦霧午猶啣久客慚
歸鳥聞行數去帆無家栖燕子沙際語呢喃

甲申除日

詎忍言除日君親諱所臨色開鍾阜迴淚灑鼎湖深一壑謀
听夕三朝愧履簪祝年同野老敢後草臣心

秋泛

蓼花兩岸映波紅短葦輕橈夕照中不信綠楊憔悴畔更無
顏色領春風

黃文煥一首

文煥字維章一字坤五永福人天啟乙丑進士除海
陽知縣改番禺山陽召試擢編修以事下獄釋歸有

赭留集

福建通志黃道周以論揚嗣昌陳新甲得罪逮問詞
連文煥遂同下詔獄獄中箋注楚詞聽直入卷陶詩
析義二卷既釋獄乞身歸別道周詩云自聞鉤黨
獨行憂痛哭批麟侯未休欲格君心甘濺血不教漢
祚付清流雷霆怒盡天回笑生死移時我掉頭今日
全驅同去國莫將厨俊傲林邱

和俞邵弟白秋海棠

癖畏陽驕暑氣侵尋常棲止擇多陰近來別有迴天力占得

飛霜早滿襟

李模一首

模字子木太倉州人天啟乙丑進士除東莞知縣徵

授御史以忤閣諱南國子典籍福王時起御史有碧

幢集

百城煙水密菴舊築在閣門後板廠為李侍御灌溪宅後園內有桃鳴草堂及芥閣諸勝徐枋居易堂集昔宋室既亡故相家鉉翁隱居教授不涉世事十有九年而逝史稱為宋遺臣前侍御李灌溪先生遭世變潛節固守確乎不拔自鼎革時年未五十乃自五十而六十七十八十守益固節益高也三十餘年如一日矍然不滓聿稱完人史冊所希有也

初埽密菴舊築

昔日深深意今依幻住身蓬蒿迷若醒竹柏故猶新小得蜘蛛隱居惟鐘磬鄰埽苔迎古佛竺國備遺民

賀鼎二首

鼎字公調丹陽人天啟乙丑進士除尉氏知縣改永

城武康入為兵部郎中累遷山西參政

讀孟東野集

寒香嚼彌出標格何清孤冰雪空山裏吟魂或可呼

塞上曲

河冰初泮春風多沙深水急流成渦中有老冰不可觸行人相喚無渡河

區懷瑞二首

懷瑞字啟圖高明人太僕丞大相子天啟丁卯舉人除當陽知縣改平山有趨庭游燕游滁諸草

廣東新語區太史海目有子啟圖論詩云國朝之詞章自北地以還歷下繼之盛於嘉隆而即衰於嘉隆其病在誇大而本之性情率意獨創而不師古啟圖能承家學與李煙客羅季作歐子建鄭湛若四五

公者唱和其雄才絕力皆兢兢先正典型弗敢隕越
絕不爲新聲野體

初至玉陽

踐玉作名城乃介荆郢間西稱湯沐邑北列价人藩蠶叢復
東路設險抗雲關宰牧苦郵傳束帶無時間晨起理訟牒日
旰不得還驪瘁道固然甯有冰雪顏撫茲鋒鏑餘徒思物力
殫頽垣隱草莽暴骨如邱山何事豺虎噪四郊行且艱

雨後待寇信

吸屹孤城夜淒迷風雨心輕師偵未返重地寇能深遠火多
飈舉高奮遂陸沈吹笳知未散橫槊愧長吟

黃光

一首


光字若木莆田人天啟丁卯舉人官來安知縣有十

一洲詩草

蘭陵詩話若木工駢體文奇篇麗句枕藉齊梁

溫陵旅宿

寒夜一何長鳴雞催不曙秣馬促晨炊暗逐霜光去



明詩紀事

貴陽陳 田輯

辛籤

呂大器 四首

大器字儼若遂甯人崇禎戊辰進士除行人擢吏部
 主事假歸以守城功增秩一等出為關南道參議遷
 固原副使擢右僉都御史巡撫甘肅拜兵部添注侍
 郎兼右僉都御史總督保定山東河北軍務改江西
 湖廣應天安慶總督再改南兵部侍郎福王時遷吏
 部侍郎以事前籍唐王立召拜兵部尙書兼東閣大
 學士桂王立以原官兼兵部事進少傅督江南諸軍

贈太保諡文肅有東川詩集塞上草

黎士宏仁恕堂筆記閣部呂公大器丙戌隆武稱號
 福州公亦入閩見時事不可為遂辭去至臨汀子得
 見之每一談時事言與淚俱其贈予詩有細雨霏霏
 已淡旬豈疑天日久沈淪又曰會看君文成鳳彩漫
 云我技已龍馴感慨之旨可見時有以口舌得官者
 舊屬公薦拔即貴顯十及門終不一見行李半肩扁
 舟東下予送之河干執手太息曰異日相逢想是麻
 衣草履矣揮淚哽咽不能出聲風規舉止真大臣也
 靜志居詩話呂公驅馳南北盡瘁行間五言如野寺
 依巖立官衙傍水開孤燈寒殿壁落日映山城精衛
 悲銜石鷓鴣嘯滿山雲煙春向在烽火晝相連淚盡
 銅駝棘歌殘玉樹花豈無丹闕戀終抱白雲思忠孝
 之誠溢於言表
 詩觀初集東川詩思精而語麗
 李調元蜀雅文肅詩音旨淒壯逼似少陵

泊昭陽下灘

祇爭一帶水尚枕小溪眠漁火穿江出村烽帶月傳孤城還

屹爾白叟半蕭然回憶垂陰處森森俯大川

蘧江

孤身行萬里驛路怯星軺樹密煙村小沙平水岸遙野狐衝

馬立山鬼向人驕漸喜南州地猶看聚晚潮

雪山

光搖旌旆五涼平天外羣峰玉削成瀚海欲空青見月燕支

未染白如瓊飛鴻已度長城窟勒馬還歌出塞行朱夏重裘

猶不解崆峒倚劍自崢嶸

靖邊作

鳴沙萬里憶芙蓉午夢猶酣客思慵戍卒秋新思飲馬將軍

歲久不傳烽停車無計綢桑戶乘傳頻勞進午饗獨坐帳中

驚白髮何堪砌下響秋蛩

高斗樞

二首

斗樞字象先鄞人崇禎戊辰進士授刑部主事以事
下獄旋復官進員外出爲荊州知府遷湖廣副使歷
參政進按察使守鄖陽加太僕卿以右僉都御史巡
撫漢中未赴福王立進右副都御史改撫湖廣道阻
不得往國變後歸家卒有蚤齎集十六卷

全祖望續甬上耆舊集高公守城之暇橫槊賦詩不
減劉越石一流

壬午臘日與李賊大戰三日夜賊退賊示羣僚

刺聞傳警息登堞下軍符前隊靈鉞舉雙甄曠騎驅摧鋒塞
巨纛摩壘馘封狐午夜纔休甲遙聞幕上烏

萬騎指孤城腰間寶劍鳴乘風飛羽箭帶雪引霓旌
酣陣枚脚夜襲營凱旋笳吹滿梅柳正相迎

于穎

一首

穎字長公金壇人崇禎戊辰進士除工部主事歷員
外出爲西安知府以事削籍起工部郎中出知順德
府改紹興遷浙江按察副使

偕無殊過虎邱遇雙白出新名次韻

爲赴尊前約乘流漾淺沙新晴開疊嶂積雨賸疏花坐覺班
荆久行看落照斜登臨興未盡還乞遠公茶

周鑣

一首

鑣字仲馭金壇人崇禎戊辰進士除南戶部主事改

禮部以言事斥為民起原官進郎中旋罷歸福王立
以阮大鍼構陷逮治賜自盡有十四哀詩

陳鼎東林列傳福王立馬士英當國特薦起從逆賊
臣阮大鍼大鍼素惡東林諸賢作正續蝗蝻錄有十
八羅漢五十三善才童子七十二賢聖菩薩又蠅
蚋錄有八十八活佛三百六十五天王五百尊阿羅
漢共干有餘人皆海內賢良欲盡殺之以空天下遂
首逮周鑣及雷續祚下獄矯旨賜死
陳貞慧書事崇禎戊寅吳次尾有留都防亂一揭公
討阮大鍼大鍼以黨崔魏論城旦罪暴於天下其時
氣魄尚能奔走四方士次尾憤其附逆也而鳴騶坐
輿偃蹇如故士次尾不惜斧鑕為南都除此大
於顧子方果子方曰果也不惜斧鑕為南都除此大
與交通者雖未過余言所以余日鍼罪無藉揭士大夫
一點破如贅癰冀潤爭思決之為快次尾燈下削一
藁子方毅然首唱飛馳數函毘陵為張二無金沙為
周仲馭雲間為陳臥子吳門為楊維斗浙則二馮司
馬魏子一上江左氏兄弟方密之爾止阮心此事仲
馭主之而鍼以書來書且哀仲馭不啟視就使者焚

之鍼銜之刻骨揭發而南中始知有逆案二字發出
悲語曰逆某逆某鍼氣阻潛迹南門之牛首向之表
馬馳突廬兒崽子焜耀通衢至此奄奄氣盡矣甲申
弘光事起鍼曰此奇貨可居也黃緣官兵部尚書以
迎立首謀福邸舊案將盡殺天下所親曰吾五年來
鑣雷公演祚於獄發其端時語所親曰吾五年來
三尺童子見阮大鍼名姓輒晉而唾者非若耶若
知有今日以揭中者又造為十人列之上曰此擁戴
潞藩以圖不逞者如王紹徽將錄故事以網殺之
日此其羽翼者如王紹徽將錄故事以網殺之
貴陽馬相日大事方定如此人心不安姑緩之乙酉
四月左帥良玉衷甲東下意清君側至九江南都震
恐鍼以為雷周所構不除之為內應不己詣貴陽基
指薄暮往語至達旦飛片紙賜死矣

懷京口讀書示長人

三山草色十年寒此日何當報酒闌昨夜潮聲東去急望江
樓上有人看

龔士驥 八首

士驥字季良義烏人崇禎戊辰進士除溧水知縣

葵書季良詩精苦沈細
金華詩錄季良自謂其詩降格爭奇亦有立勝起結
往往微遜亦自知之而不肯措意改作故多以句勝
七言如鳥外斷虹山寺雨浦邊斜燕石橋風次煙隱
樹遠邨暮暝色波江春浪深孤枕幾年愁暮笛一鐙
初夜隔春紗愁中草色偏嫌雨夢裏花枝獨背春五
言如秋嶂宜寒月春林足緒風燕領差池雨花標次
第春芳樹和風綠幽蘿通雨青樹納初晴日花爭欲
盡春上者神秀次者幽婉皆一代之逸唱也
田按季良詩才絕麗崇禎時楚音靡靡此真軼塵之
選

塞上曲

虜騎乘秋牧連營殺氣新隴雲朝出塞邊月夜歸秦白草金
羈色黃沙鐵甲塵將軍猶蹴踖只領醉中春

過顧將軍

朱戶王孫第青萍俠客家濃雲連斷岫急雨定飛花寶劍雙
鸞舞金丸獨鳥斜夜窗飄細響知是教琵琶

春興 四首

枕郭灘聲拂岸斜環江山色抱城賒門當流水鍾期調徑繞
煙霞綺季家雙燕到春宜畫棟一鷺出曙隔深花閉關卽是
棲真宅不用尋幽躡彩霞
女牆薜荔綠翻空靜室平開密樹中疏檻曲通花徑月小山
幽背竹林風仙人洞壑藏松赤少婦篁篔倚袖紅學道徵歌
皆勝事池臺未許習家同

山擁錢塘翠作屏浮圖高處有藏經嘯花鳥亂迷秦隴呪食
僧閒漱晚汀寒雨乍收江月黑春潮欲上浦風腥叩關乍解

無生偈不用臨流歎獨醒

湖上千峯鎖翠微
兩隄新水澹忘歸
秦箏舊譜朱樓曲
楚客新裁綠芰衣
堞隱江雲時隱見
林藏海雨半依稀
何人駐屐攀蘿月
碧樹陰中半啟扉

津亭

驛路明霜葉
津亭急浪花
不須悲遠道
只此是天涯

秋閨

寒雨侵階欲暮秋
鐙沈月黑夜悠悠
更深獨背紗窗立
怕有疏螢點閣愁

吳承燧一首

承燧字伯昭莆田人崇禎戊辰進士除懷甯知縣

楊柳枝詞

二月纖枝三月花
綠隄綠岸簇香車
紫騮慣識西陵路
直向高樓蘇小家

曹荃一首

荃字允宰無錫人崇禎戊辰進士除南刑部主事歷
郎中出爲漳州知府累遷福建副使

山中獨行

山石太嶮嶢
孤行疑鮑焦
疏鐘雲外閣
細草澗邊橋
立馬欲相問
前村去已遙
麝麇颺忽影
碧落夜聞簫

林銘球一首

銘球字紫濤漳浦人崇禎戊辰進士官御史有鐵匡

集

塢寺小樓和壁間韻

爲拾天中月來分祇樹林樓空冷梵語塢靜冥伽音一瓢雲
足飯半偈雨開心得句秋初爽鳴蛩入夜吟

謝宗一首

宗字伯夔龍溪人崇禎戊辰進士累官山東參議有

許山遺稿

瑄溪登舟寓張有民山房

小舟逼岸入山家竹屋穹窿望遠沙煙雨微茫揮淡墨溪山
混沌掃青霞烹茶對客水爲活酌酒談心天作涯漁火黃昏
紅一點柴扉半掩落燈花

姚思孝一首

思孝字永言江都籍欽人崇禎戊辰進士改庶吉士

授戶科給事中改兵科工科謫江西布政司照磨遷

南國子助教歷太僕丞光祿少卿福王時改大理少

卿後削髮爲僧有康山草堂集遊笥草

詩觀二集廷尉詩新琢秀逸

得吳梅村書卻寄

征邁今如昔危瀾尙未平莫嗟同輩盡翻詫兩人生筆怨曾
焚草書成好遁名一瓢雖勺水日月寄孤情

詩觀二集廷尉與宮詹同被徵召而出處之際有數
存焉此詩獨是昔年胸膈間語

冒起宗一首

起宗字宗起如皋人崇禎戊辰進士除行人遷南吏部主事歷郎中出為山東僉事改廣東湖廣進參議有得全堂集七遊草

望九華

昨夜南風送客船朝來池口雨冥冥忽看天際飛濤白失卻蓮花九朵青

李奇玉 一首

奇玉字元美嘉善人天啟壬戌會試中式崇禎戊辰進士除武學教授歷國子博士遷南工部主事改兵部歷員外郎中出為汝甯知府有雪園遺稿

閒居

柴桑深閉寂無譁讀罷遺經靜煮茶風雪滿庭黃葉落冷香清韻在梅花

薛宗 十一首

宗字諧孟武進人崇禎辛未進士除武學教授遷國子助教再遷南刑部主事歷郎中出為開封知府晚為僧號米堆和尚

尤何良齋雜說薛進士宗嘗為開封知府亂後薙髮依山僧以居自更其名曰米玄墓有米堆山因以自號飲酒吟詩狎狂以終

卓氏穢園圖和詩十六章 錄十一

卓氏穢園十六區張君既各為圖而楊龍友復寫此冊張則亂頭粗服龍章鳳姿楊則雅人修士楚楚焚

香掃地時也蓮旬居士父子題詠足千古而使予得
廁其閒願寶此園更寶此圖庶予得與裴廸俱不朽

乎

虎踞石城在六朝何往哉不如君先人江干駕虎來

馭虎巖

鶴影夜臨際際鱗亦起舞老龍聽法罷欲與胎仙語

鶴際

君以蓮爲宮鬢蒨自寬廣盍觀恒沙國盡託錐刀上

蓮旬

琉璃爲胸次中復現五嶽何忽自云無無無乃眞覺

無山堂

生長笠澤旁夢魂在其中支雨欹箬冠吾與樵青同

笠厂

昔聞景純言凡山生於浪亦有浪同生巾裾骨肉相

沙山

唯俗不可醫爲有醫俗意我自田舍翁桔槔昨已治

鋤月灣

潭爲有龍跡警來或青鳥不然卽麻姑愛此爬背爪

呼龍嶼

已甘入林深眼潤復如此胡不任蒙茸潑墨澄心紙

寒江樹

有一轆轤因拾草立權喻我以命聽藥藥以命聽雨

藥草畦

吳越古湯社請君爲署領不知是何曹但解日茗芋

茗柯坪

田按被園在石頭城清涼山下卓左車之別業也楊龍友爲作圖董香光跋曰被園圖十六景龍友爲無量居士作昔盧鴻乙草堂圖李公麟龍眠山莊圖流傳世間皆稱神品鴻乙自有嵩山十志楚詞而山莊圖題詠其蘇黃門集五言絕句頗類摩詰輞川詩伯時獨以畫名意當時必有首倡但無傳耳無量居士於此十六景已有詩中畫而龍友磁礪氣韻生動著意微茫滅沒間有鴻乙之蒼秀伯時之幽邃爲十六景傳神寫照無復遺恨如置身輞口椒園鹿柴居然王裴唱和勝情信可傳也

陳天定 一首

天定字慧生龍溪人崇禎辛未進士累官太常少卿

國變後爲僧名圓慧有慧山集

大峰山佛祖岩

寺古多荒瓦僧貧只薦茶谷鳴千樹響人定一香斜鑑水形
憐影安心客是家可將生滅理悟取佛前花

李世奇 一首

世奇字亮先漳浦人崇禎辛未進士選庶吉士以母
老歸再召不起加左庶子有澹甯居草

暮年無歡門多索字者因用自悼

焚硯拋書案滿埃扣門便覺擾生涯只應絹到留為襪聞道
篇成欲覆醅筆墨從人猶是累文章媚世亦非才小窗且適
義皇夢莫遣奚僮報客來

許豸 一首

豸字玉斧侯官人崇禎辛未進士除戶部主事歷員

外出為浙江僉事進參議有春及堂詩

東南嶠外詩話玉斧詩格調平穩 本朝風香月溪
鐵堂雪村諸詩人皆衍其門風累世擅三絕之譽

與張天如吳駿公楊維斗泛舟西湖

十里清明嫩柳斜同登孤棹賞春華蒼茫野色餘殘靄迴合
山光到暮霞曲岸驚風翻荇帶平隄新水繡桃花芳辰尋樂
須拚醉更向橋西覓酒家

黎崇宣 一首

崇宣字孺旬番禺人崇禎辛未進士官廣德知州有

貽清集

春別曲

春風一夜雨瀟瀟曉來已滿春江潮乘潮相送出江上我但
躊躇君獨往渡口垂楊映綠波隔浦茫茫煙霧多望君不見
將如何

吳國琦 一首

國琦字公良桐城人崇禎辛未進士除漳州推官改
兵部主事有水香閣懷茲堂集

趙澱陽蒼漪閣

高亭做木末涼意與秋生當戶一峯出雙江夾月明藤蘿封
洞壑河漢接檐楹坐久緜衣薄懷人己二更

楊士聰 一首

士聰字朝徹濟甯州人崇禎辛未進士改庶吉士授

檢討遷諭德有靜遠堂集

棗林雜俎聊城進士白楹治園於臨清輦一石致自
章邱頗幽麗德州謝太宰陞求之不得謝方典銓補
楹盧氏令被寇死濟甯楊士聰詩與寄煙巒聊適意
禍胎花甸杳歸魂
田按朝徹凶年四吟如讀大東諸詩可以告哀

凶年四吟

累年皆赤地無怪民窮蹙釜甑既生塵爨煙絕比屋三旬鮮
九食餅空那得穀漉槐收涇實剝榆露槁木楊柎罄寒林草
根殫邃谷已分作捐瘠曷辭黍溝瀆所恨息未絕同類饜其
肉 死饑

尋常井閭中每憂逢不若小竊類螟螣大奸乃鯨鱷遠鎮既
攻陷近村恣驅掠奮擒或抵罪強撫先頒爵脇膚黨日繁狂

三鍾卷十九
騁力膏薄生齒累百萬狼藉就鋒鏑何堪縱虎翼乃至恬魚
獲徙薪空多算誰肯受良藥死寇

名將重威信過師從枕席平日少撫練臨戎增嘆嘖賊燄既
以熾調發雜生客強者女爭孳弱者不任革緣村掠民蓄孰
操自完策省民無立錐更復遭奇阨談笑借汝頭聊以充斬
馘死兵

殺運殄生人輕細如螻蟻兵荒已半死豈堪懼病孽春來漸
多疫什九劇綿惓蠢兇既草萎良謹或蘭折道路續新鬼親
屬累死別貧民無棺斂委棄空痛結橫屍陳道衢端爲烏鳶
設死疫

汪國士一首

國士字君酬桐城人崇禎辛未進士累官山東參議
有簡軒集

飲吳中丞園林

鎮蜀巖公去征蠻馬援還家園繁舊侶花竹是新刪巾徑添
闌好遷池養菡開更堆山一座城裏日躋攀

陶汝胤十首

汝胤字仲調一字燮友甯鄉人崇禎癸酉舉人除新
會教諭福王時授翰林待詔遷兵部郎中五省監軍

改檢討有廣西涯樂府噴古集寄雪樓集禍玉堂集

郭都賢止菴集余與仲調生同里長同學出處患難
同時同志年來杖策以規江左垂涕而授拾遺哀時
命弔戰場尙有不盡於詩若文者晚復以凌霜噴雪
之肝腸赴效鳳弋鴻之羅罽西臺之髮自歸湘水之

魂復返皆仲調詩文登峯造極時也
黃周星噫古集序燮友噫古之作非忠孝廉節之型
即奇佻靈祕之蹟大之可以干城名教小之亦可以
博物洽聞是編出皇天后土可鑒野老之心五嶽九
洲共聽空山之哭其以噫古名篇蓋取詩人願言則
噫之義悼今人之不古處也
靜志居詩話先生壯歲好遊自吳入越與先人訂僑
札之分嘗留橋李度歲晚際此離出監軍事捍禦鄉
邦著力暨章堵兩公盡瘁略同讀哀湖南賦悽戾過
於蘭成詩雖未脫竟陵之派然覺爽氣殊倫
田接仲調詩有異才惜為竟陵所染當其合作如金
鐘大鏞不作錚錚細響

銅佛崖

九月霜氣深煙寒霽亭午曲折登層崖臨江不可頽岸屈趾
乃窮雲斷路前忤紺殿嵌山腰豁然開淨土僧去門不扃空
泉散微雨終日漱巖花洽洽答鐘鼓

舟入虎邱

破曉入吳門不泊良有意欲及清晨光入山發山寐舟行二
里餘人煙雜遙翠峻嶒立平楚塔影落無地迴舸畫橋東及
門恐容易沿溪竹樹幽舟繞出山背綠陰濃到天小鳥一聲
墜艤棹從此登晴雪洗高寺

擬古贈高策旃學使兼寄懷王昆華宗伯

眾山不讓嶽及嶽意自平列星不作月傳月光始盈文章接
元化日月風會生假令古學無何以勸高明鉅公抗經史五
緯天上橫春風吹响嶼赤綠成雲英一吹玉琯發再吹洞庭
清雕蟲二三子激作金鏞聲鼎鼎朱張後敢獨求微名今夜
嶽麓下森寒唯玉衡

軒轅臺懷古二首

軒轅非貴壽天地難鴻濛雲英化金石物命趨五銅騎龍下
寶山乃在湖水中張樂滿洞庭託言師崆峒千載鼎湖上元
氣翔八風
青天互湖水白日凌丹臺至人非羽翰黃龍自天來悠悠萬
乘跡徒令攀者哀上有寶鼎雲下有蛟宮雷當時十六相豈
無神仙才庸哉秦始皇赭湘求蓬萊

還家

新飯盛滿盃新酒酌滿卮諸孫競相勸幼者捋我髭出門雪
壓屋手抱初生兒歸聞掩袂泣始悟殤子悲百年苦情累哀
樂集一時乃翁幸生還理遣聊自持假使魂歸來此哭當爲
誰達人齊彭殤莊叟真吾師

初冬舟中作

霜吹徐徐來沿舟入蘋蓼好山迢遞青一鏡窺飛鳥白鳥差
池穿野菱天寒水落陰稜稜澹雲到地無一影紅樹圍村知

幾層

一作李詩能詩

秋夜同尹洞庭汪涵夫諸子索觀楚王孫伎劇卽席戲

爲艷體

小山叢桂裏一隊錦鴛鴦欺雪花俱艷迴波曲自長清微湘
女瑟蹀躞洛神瑤慣與王孫見新妝但夕陽

雙江逢船叟話舊

遙識墟煙處雙江照白鷗幾家疏莽住孤寺劫灰留隱隱但
樵路潭潭無釣舟聊逢舊船子悲難話餘愁

晚春廿七日與曹叔方劉衍蓀洪象先諸子自三湖過
帥君卜草堂夜集

十里踏莎青未青到門日落煙柳暝欣然解衣索秉燭愛此
草堂遙帶星過客光陰春宴序雅人文酒尙立亭餘生好會
不再得淹我黃鸝湖上聽

張明彌二首


明彌字公亮金壇人崇禎癸酉舉人除揭陽知縣有
螢芝榕城二集

同翁裴郎許班王春夕飲宋喜公先生郭外別業夜午
而別

檀板催酣子夜情紅衫猶自進瑤箏歌聲愛向梅邊落燭影
偏穿水底明隔澗叢花疑正睡依林宿鳥未傳驚棉衙煙閣
恒來往忘卻秦淮是故京

送張少尹往贛州

韓江北去是歸途水意山情欲向吳君入吳西爲候吏願棧
鄉夢到姑蘇



Handwritten text in vertical columns, including a title on the right edge and a large square seal impression in the center.

三筆卷十九

五



